



BODOSA ★ A Bodo News Daily ★ Wednesday ★ 1 January, 2025 Kokrajhar, BTC, Assam ★ Vol.-33, Issue No. 275 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

गाहाम हामब्लायनाय

इंराजि गोदान बोसोर 2025 खौ बरायनानै साप्रोमनोबो सानसेयारि बड'सा खौरांलाइ फोलेरनिफ्राय गाहाम हामब्लायहरनाय थाबाय। मिजिथियो बोसोर गोदान 2025 माइथायव बयबो सुबुडनो गोदान मिजिं आरो थांखि लानानै सिगांलानो हथों। थानाय बोसोरनि हिंसा-हिंसि जाथाय, दावहा, बिग्रायनाय आरो बाइदिसिना सुबुं हारिनि खहा गोनां जाथायफोरा जोबसोनानै गोदान बोसोराव गोजोन थासारि फैंथों, गावजों गाव अनज्जायनाया जोगोर जाथों बेखौनो आनान गसाइनि खाथियाव आर'ज गावहरबाय।

सुजु आफाद
सानसेयारि बड'सा खौरांलाइ
जोहोलाव दैमालु लामा
माइबां नोगोर, कक्राझार

इंराजि गोदान बोसोरनि मुडै गिबि मन्थि ड॰ शर्माआ गाहाम हामब्लायथि बाउहरदों

दिसपुर, 31 डिसेम्बर: इंराजि गोदान बोसोरनि मुडै गिबि मन्थि ड॰ हिमन्त बिश्व शर्माआ गासै आसामआरिफोरनिमिम गाहाम हामब्लायथि जासिहरदों। दिने गासे गाहाम हामब्लायथि रादाव बिबुंसारनि गेजेरजों गिबि मन्थि ड॰ शर्माआ बुडोदि, गोदान बोसोराव अरायबो गोदान मिजिं लाबोनायजों लोगोसे गोदान थुलुंगाजों दावगालानो थाखाय बयखौबो थुलुंगाखां



होयो। गुबुन गुबुन हारि-माहारि, राव आरो धोरामारि सुबुंफोरनि जथाय थिलि आसामनि रंगिना-संगिना जिउ राहाखौ इंराजि गोदान बोसोरनि गोदान सोराड फोथायनाय आरो नाजानायजों दावगालानो थाखाय थुलुंगा होगोन होन्नानैनो गिबि मन्थिआ फोरमायो। लोगोसे बिथाड मिजिंथियाय फोरमायोदि, गोदान बोसोरा धोनि आरो आंगो दोरों (□ 6 बिलाइआव)

एबसुआ इंराजि गोदान बोसोर 2025 माइथायनि गाहाम हामब्लायथि बाउहरदों

कक्राझार, 31 डिसेम्बर: मिरु दुलाराय बर' फरायसा आफादआ इंराजि गोदान बोसोर 2025 माइथायखौ बरायनानै एबसुनि साप्रोमबो सांग्रां बिबानगिरि, मावथि आरो समाजनि गासै फोरेंगिरि, फरायसा, दिथागिरि, समाजनि मेलेमजिबि, सानसुमै आरो सिबिनां राइजो-राजाफोरनिमिम गाहाम हामब्लायथि बाउहरदों। दुलाराय बर' फरायसा आफादआ हामब्लायथि रादावआव लिखरदोंदि, मिजिंथियो, गोदान बोसोराव बयनिबो जिउआव गोजोन आरो जाफुंसारनाय लाबोनानै समाज जिउआव दावगानाय लाबोगोन। फैंबाय थानाय इयुन जोलैखौ बादायलु मुगायाव जाफुंसारि सौसि लांहोनो हाहोनो नाजोर आरो थांखिखौ बिथा खालामनानै दुलाराय बर' फरायसा आफादआ आजावनाय "गुन गोनां (□ 6 बिलाइआव)

माखासे लाइमोनफोरा भुटाननि नारें कमलानि फालांगि खालामनानै जाफुंदों

सालबारि, 31 डिसेम्बर: राइज्योनि सोलेंथाय गोनां खामानि गैयेफोरनि अनजिमा बांनाया मोनसे दुखुंथाव खौरां जानानै फेदों। नाथाय जोनि राइज्योनिनो माखासे सोलेंथाय गोनां लाइमोनफोरा गाव खामानियाव थिसनजानायनि मख'जाथाव बिदिन्थि दिन्थिदों। मख'नो गोनांदि, बाकसा जिल्लानि शिमला दावधरानि सोलेंथाय गोनां माखासे लाइमोन सेंग्राफोरा मोनसे मोजां



बिदिन्थि होदों। सरकारि साखिनि उनाव खारफायालासेनो गावखौनो खामानियाव थिसनानै फिसा-फिसा फालांगि

खालामनानै गाव गसंथा हानायनि लामा दिहुना लादों। गोजां बोथोर सौफेनाय लोगो लोगो बिसोर सोलेंथाय गोनां लाइमोनफोरा नारेंकमलानि (□ 6 बिलाइआव)

गसाइगावआव ड॰ दिनेश दासनि राव सोलायनाय खन्थाइ बिजाब बेखेवदों

गसाइगाव, 31 डिसेम्बर: बोसोरनि जोबथा सानाव थुनलाइ अन्साइगिरिफोरनि थाखाय गोजोन्थाव खौरां। सोलिफु बोसोरनि दिनेश जोबथा सानाव राइज्योनि बिजाब अन्साइगिरि राइजो-राजाफोरनिमिम गांसे गोदान राव सोलायनाय खन्थाइ बिजाबखौ बा-न्था होदों गागि सोलेंथाइगिरि आरो बडाइगाव फरायसालिमानि गोरायुं ड॰ (□ 6 बिलाइआव)

उदालगुरि जिल्ला बेंगिरिनि दैदेन्नायाव सुबुं खुंथाय सान फालिनायनि सायाव जर'खा मेल खुंदों

उदालगुरि, 31 डिसेम्बर: फेगौ 2025 माइथायनि 76 थि सुबुं खुंथाय सानखौ मोजाडै फालिनो थाखाय गुदि साखा-फारा महरै मैया 30 डिसेम्बरखालि उदालगुरि जिल्ला बेंगिरि मावखुलियाव मोनसे गोजौ थाखोनि जर'खा मेल खुनाय जायो। उदालगुरि जिल्ला बेंगिरि पुलक पाटगिरिनि आफादगिरि मासि सामब्लायनायाव खुंथाय बे मेलाव जिल्ला खुंतायनि गासैबो गोजौ थाखोनि बिबानगिरिफोरजों लोगोसे जिल्लानि गासैबो बिफाननि बिबानगिरिफोरा बाहागो लायो।



मेलाव पुलिस बिबानगिरि पुस्किन जैननि दैदेन्नायाव हाबाफारिखौ गोजोनै खुंनो बिबान होनाय जायो। गुबुन

फारसैथि, उफ्रा जिल्ला बेंगिरि सरफ्राज हक, मनन्थति कुतुम, लक्ष्मी कुतुमआ फेगौ सुबुं खुंथाय सानखौ बायदि हाबाफारिनि गेजेरजों खुंनाय बिथिडाव बोसोन होयो। बिथामोनजों लोगोसे लोगो जिल्ला बेंगिरि आरो बिफानफोरनि बोसोनफोरखौ (□ 6 बिलाइआव)

बिटिसिनि गासैबो बिथिडाव इउपिपिएलआ फेलें जादों: हाग्रामा महिलारी



मुसलपुर, 31 डिसेम्बर: बिटिसि बिसायख'थिनि साना खाथिनिफ्राय खाथिसिन सफेनाय लोगो-लोगोनो गुबुन गुबुन दोलोफोरजों लोगोसे बिपिएफ दोलोयाबो साखा-फारा खालामगासिनो दं। मैया समबारखालि बाकसा जिल्लानि मुसलपुरनि खाथियाव थानाय अदालबारियाव मिरु आइजो बिपिएफनि मावफारिया मेलाव बाहागो लानानै बिपिएफ दोलोनि गाहाइ हाग्रामा महिलारीआ माखासे गोनांथाय बिबुंथि होयो। बिथाड बुडोदि, प्रमद बर'नि खुंथाय समाव जेबो जायाखे। 3 कौटि रानि आलासि जिरायसालि लुफामफिनायनि थाखाय 12 (□ 6 बिलाइआव)

आजिरा मोन्नाय गाहाइ फोरेंगिरि रुंसारि रेनु ब्रह्मनि 3थि थैनाय गोसोखांथि सान फालिदों

गसाइगाव, 31 डिसेम्बर: बर' थुनलाइ आफादनि बाराग' आफादगिरि पद्मश्री ड॰ कामेश्वर ब्रह्मनि बिसि रुंसारि रेनु ब्रह्मनि समबारखालि 3थि थैनाय बोसोरारि सान फालिदों। गसाइगाव केशव डेका मेम'रियेल गुदि फरायसालिनि गायसनगिरि गाहाइ फोरेंगिरि रुंसारि रेनु ब्रह्म (75) आ थानाय 2021 माइथायनि 30 डिसेम्बरखालि गावनि न'आवनो जोबथा हां बोदोंमोन। रुंसारि जानायनि 3



बोसोर आबुं जानायखौ लोब्बा नख'रनि थैनाय बोसोरारियाव गाहाइ चकलेट आबाद मावनायजों बाराग' केएलअनि केडार नब' रायआ गसंथानो हानाय जादों

बासुगाव, 31 डिसेम्बर: मोनसे समनि कमतापुर लिबारेसन अर्गेनाइजेसन सुंद'थे केएलअनि दुथां केडार नब' रायआ टकलेट आबाद मावनानै गाव गसंथानो हानायनि मोनसे लामा दिन्थिदों। मख'नो गोनांदि, नब' रायआ 1 बिघाल' गय बागाननि गेजेर गेजेर गायनाय 80 बिफां चकलेट आबाद मावनानै दिहुन्नाय आरो गय फानानै मोन्नाय धोनजों साबा नख'रआ जिउ खानो हादों। (□ 6 बिलाइआव)

फोरेंगिरिनि गोसोखांथियाव निखावरि राइजो-राजाफोरनि गेजेराव कम्बल गथायनानै होदों। पद्मश्री ड॰ कामेश्वर ब्रह्मआ सामलायनाय मान बाउनाय हाबाफारियाव दालाइ साहित्य सभानि आफादगिरि खनिन्द्र नाथ दासआ बाहागो लाफैनानै रुंसारि रेनु ब्रह्मनि गोसोखांथियाव बिबुंथि लाखिदों। हाबाफारियाव गाहाइ फोरेंगिरि शंकर चन्द्र दासजों लोगोसे माखासे जर'खा सुबुंफोर आरो नख'रारिया बाहागो लाफैदों। □

गाहाइ फोरेंगिरिनि नाजानायाव गंसे सरकारि खोन्दोनि फरायसालिया गोग्गानाय लाबोनो हादों

बासुगाव, 31 डिसेम्बर: जाय समाव सरकारि खोन्दोनि फरायसालिनि फासं फरायसा, दिथागिरिफोरनि गोसो गैये जाबोदों बे बायदि समावनो गंसे गोल्सोलाय जायगायाव थानाय सरकारि खोन्दोनि गुदि फरायसालिनि गाहाइ (□ 6 बिलाइआव)



साहित्य अकाडेमि बर' एडभाइजारि बर्डनि लिंथुमगिरि तरेन बर'आ 2025 गोदान बोसोरनि हामब्लायथि बाउहरदों

स्टाफ रिपटार, 31 डिसेम्बर: साहित्य अकाडेमि बर' एडभाइजारि बर्डनि लिंथुमगिरि तरेन बर'आ इंराजि 2025 माइथाय गोदान बोसोरनि बयनिमिमबो गोजोन खौसेथि आरो जौगाखानायनि हामलायथि बाउहरदों। बिथाड रादाव बिबुंसारनि गेजेरजों बेबादि बिबुंथिखौ होदों। रादाव बिबुंसाराव बिथाड मख'दोंदि, इंराजि 2024 माइथाया दिने बिदाय जासिगोन। बोसोराव गोबां दुखु-दाहा, जेना-जेंसिजों मोगा-मोगि जानादों। लोगोसेनो समाज आरो नख'रनि गेजेराव दावराव-दावसि लाबोदों। आथिखालनि बिगियान (□ 6 बिलाइआव)

2024 माइथायनि जोबथा सानाव

मानास माहारियारि पार्कआव दावबायारि-लावखार ओंखाम जाग्राफोरनि होंगो-दोंगो

सालबारि, 31 डिसेम्बर: 2024 माइथायनि दिने जोबथा सान। गोजाम बोसोरखौ बिदाय होनानै 2025 माइथाय गोदान बोसोरखौ बरायनो दिने राइज्योनि गुबुन गुबुन जायगाजों लोगोसे हादतनाडै आरो मुलुगनि दाबसे दावबायारि (□ 6 बिलाइआव)



जेका विगुर रानखानाय, गुरिटर रानखानाय एवा आथिं आफा गावनाया जेना खालामो

सभ 'लिननि

अब्ला
गुरै मुलायम क्रिमआ
विगुराव
भितामिन होयो, जॉनाय लाबोयो
आरो मोखानिफ्राय दागोफोरखौ जानगार खालामो

SOVOLIN

बिनिखायनो सभ 'लिननि क्रिमखौ सानफ्रोमबो बाहाय

Government of Assam
आसाम सरकार

**नोंथानिफ्राय सोरबा सरकारि बिफानगिरि एवा
मावफारियाआ घुस बिदों नामा?**

अननानै जौनो खोनथा हर

Whatsapp No. ► 60269 01243

Toll Free No. ► 18003453767

Control Room ► 03612462295

S.P. (I) ► 6026903418

S.P. (IV) ► 6026903483

S.P. (LAW) ► 6026903481

EMAIL ID ► complaints.vac@gmail.com

TWITTER ► @DIR_VAC_ASSAM

नोजोरथिग्रा आरो जाकल'नायनि हेथा बिथोनगिरि मावख', आसाम, श्रीमन्तपुर, गुवाहाटी-781032
<https://dgvigilance.assam.gov.in/>

सुजुगिरिनि खोलोम

गोदान बोसोर

मिर्जिथिनि गोदान बोसोरआ सौफेबायानो। गोदान सान जागायनायनिफ्रायनो सुबुंफोर मोनसे नड मोनसे गोदान थांखि लानानै सिगां फासै आगान सुरलानायनि समाइखि लयो, सिमां नुयो। थांनाय गोजाम बोसोरनि गात्रि जाथायफोरखौ बावगारसानै गोदान बोसोरग रंजा-खुसियै सिगांलांनो बयबो नाजायो। गोदान बोसोर जागायनायनिफ्रायनो सुबुंफोरनि गोसो सिडव मोनसे नड मोनसे थांखिनि सिमां सुजुनानै गोसोआव बोलो फोरनानै सिगांलांनो नाजायो। गोदान बोसोरग थांखि आरो सिमां सुजुनायल' जाया, मोनसे गोदान हाबाआव नांथाबनो आरो माबा मोनसे राहा सोजिनानै गावनि थांनानै थानायनि लामाखौ गोजौं आरो स्यां खालामनो नाजानायबो थायो। बे गोदान बोसोरगनो सुबुंफोर मिर्जिथिनि थांखि लयो। गोदान बोसोरग सुबुंफोर गावनि थाखायल' मोजां सिमां सुजुया आरो गहाम हास्थया, बयबो सुबुंफोरनि फारफोम बिथिनि मोजांनि थाखायनो गहाम हामब्लायो। बिदिनो बोसोर गोदान 2025 आवबो सुबुंफोर गावनि आंगो सुबुं, लोगो आरो नख'रनि सुबुंफोरनो गावजौं गाव गहाम हामब्लाय हरलायगोन, गसाइनाव बोर बिगोन जाहाथे गोदान बोसोरग सुखु-शांथियै बयबो जिउ खुंनो हायो आरो बेराम-आजार, खैफोद-आफोद साफिनो हाया। आथिखाल गोदान बोसोरनि मुडे लोगोफोर, आंगोफोर आरो नख'र सोद्रोमाफोरनो गहाम हामब्लायनाय हरनो सिगांफोर समाव बाहायनाय ग्रीटिस कार्डफोर बाहायनायखौ नुनो मोनबालिया। मबाइल, समाजआरि बिजौनि गेजेरजौंनो गोदान बोसोरनि गहाम हामब्लायहरनाय जासै। सिगांनि समाव गोदान बोसोरनि ग्रीटिस कार्डफोर डकनि हेफाजाबैसो सोलिनांगो जानानै फेनायाव गोबाव समनि गोनांथि जायोमोन, जाउनाव सप्ताहसे-सप्ताहनेनि उनावसो मोनफेनाय खोनानो मोनोमोन। नाथाय समाजआरि बिजौनि गेजेरजौं आथिखाल आसिगुर गावगासे समनि गेजेरगनो गावनि लोगोफोरनो Happy New year wishes हरनो हनाय जाबाय।

सुबुंफोर गोदान बोसोर फेनायनि सिगांनो न्यु इयार पार्टीनि प्लेनि लानानै रंजानो थांखि लानाय नुनो मोनो। मुलुग हादतफोरनि जानाय-थानाय, आसारखांथिफोर जैरे गोरोबलाया बेबादिनो गोदान बोसोर बरायनाय हाबाफोरगवो जौं गोरोबलायनायखौ नुनो मोननाय जायो। सान ओंखार जेन्नाय हादत जापानजौं लोगोसे करिया हादतआव बोसोर गोदानखौ खेब 108 गाथा दामनानै बरायनाय नुनो मोननाय जायो। लांथियैनो खेब 108 गाथा दामोब्ला थांखिया जाफुडे, जिउआ गोथार जायो होन्नानै सान्नाय जायो। इउरपनि हादत नेडारलेन्डआव गोदान बोसोर हाबनाय लोगो लोगो सुबुंफोर शैभनिंगेन लैथो बोसियायव ज' जानानै थब्ल'यो। लैथोनि देआव थब्ल'योब्ला गोदान बोसोर गहामै सोलिनाडो होन्नानै फोथायो। आमेरिकानि टाइम स्क्वारआर गोदान बोसोरखौ बरायनानै रंजानाय जायो। बेव गुबुन गुबुन हादतनि सुबुंफोर गोदान बोसोर बरायनो बाहागो लांफेनायखौ नुनो मोनो। टाइम स्क्वारखौ ज' जाफेनाय सुबुंफोर समनि काउन्ट-डाउन्ड होन्नानै गनायो। बेरफासै स्पेनआव गोदान बोसोरखौ राजथावनि नोगोर माद्रिद नडबा केनरी द्वीपआव खुडे। बे हादतनि निउ इयारयाव थाइ 12 आंगुर फिथाइ जानानै फालियो। सुबुंफोर हरनि 12 रिगायाव 12 दाननि मुडव थाइ 12 आंगुर फिथाइ जानानै गोदान बोसोरखौ बरायनानै रंजायो।

जौनि हादत, रइज्यो आरो हालामआवबो गोदान बोसोरखौ बाइदिसिना बमा गावनानै बरायनायखौ नुनो मोननाय जायो। गोदान बोसोर फालिनायनि मुडव बांदायै जायै-लोडे रंजानायनि जाउनाव सम सम बाइदिसिना जाथावनाडे जाथायफोर सोमजिनायबो नुनो मोननाय जायो। बेफोर खहा गोनां जाथायफोर जाहाथे सोमजिनो हाया बेनि थाखाय सांग्रांथियै फालिनाय रंजानो हायोब्ला जौं खैफोदनिफ्राय एरखेनानै थानो हागौ। मानोना गोदान बोसोर जिनै दाननि उन उन फेगोन आरो थांफिनगोन।

2024 नि जोबथा सानआव बिमा कामाख्या मन्दिरआव सिबियारिफोरनि होंगो-दोंगो

गुवाहाटी, 31 डिसेम्बर: दिनें 2024 बोसोरनि जोबथा सान एबा 31 डिसेम्बरखालि रोजा-रोजा हिन्दु सिबियारिफोरा आशिबाद आरो अन्नाय मोनो, जाफुंसारनाय आरो मिर्जिजौं लोगोसे गोदान बोसोरखौ बरायनायजौं लोगोसे गोजाम बोसोरखौ बिदाइ होनानै गुवाहाटीनि मुंदांखा बिमा कामाख्यानि मन्दिरआव सौहैदौं। नीलाचल हाजो गोजौंआव थानाय गोजाम बे बिमानि



मन्दिरआव बोथोरनि गुसु आरो खुवा साग्लोबसारनायनि गेजेरगवो सिबियारिफोरनि होंगो-दोंगो फु जा खालामहैनायखौ नुनो मोन्दौं। इराजि बोसोर 2024 नि जोबथा सानआव नख'रजौं लोगोसे सुबुंफोर, धोरम दावबायग्रा साधु-बैरागि आरो जायगानि सुबुंफोर सोरानायनि सिगांनि मन्दिरआव सारिआव गसंन खालामदौं।

कन्याकुमारिआव हादरनि गिबि ग्लासनि दालां बानायदौं

तामिलनाडु, 31 डिसेम्बर: तामिलनाडुनि कन्याकुमारिआव लैथोमा सायाव हादरनि गिबि ग्लासनि दालांखौ बेखेवनानै होबाय। बे ग्लासनि दालाड 77 मिटर गोलाव आरो 10 मिटर गुवार, जाय कन्याकुमारिनि बोरिआव भिभेकानन्द रक मेम'रिएल आरो 133 फुट गोजौं तिरु भल्लुवर मुसुखाखौ

सरजाबो। थांनाय समबारखालि बेलासिआव तामिलनाडुनि गिबि मन्थि एमके स्टालिनआ बे दालांखौ बेखेवो। सासे दावबायारि बिफाननि बिबानगिरिआ बुडोदि, बे दालां सायाव गारि सालायनाया लैथोमानि नुथायखौ साबसिनै दिन्थिगोन। मख'नो गोनांदि, तामिलनाडु सरकारनि

फासैनिफ्राय बे ग्लासनि दालांखौ 37 कौटि रनि बेसेनजौं बानायनाय जादौं। बे दालांखौ गिबि मन्थि एम के स्टालिनआ मुंदांका गिबि मन्थि एम करुणानिधीनि गेजेरजौं तिरु भल्लुवर मुसुखाखौ बेखेवनायनि सिल्लभार जुबिलि समाव बेखेवदौं। बे दालांखौ बेखेवनाय उनाव गिबि मन्थि

स्टालिन, लेडइ गिबि मन्थि उदयनिधी स्टालिन, रइज्योनि मन्थि, एमपि कनिमझी आरो गागि बिबानगिरिफोरा दालाडव थाबायनानै बेनि गोजेन्नाय लायो। बे ग्लासनि दालांखौ तामिलनाडुनि गिबि मन्थि एमके स्टालिननि गोसोखांथि महरै दिन्थिनाय जादौं। बेनि थांखिआ दावबायारिफोरनो गोदान मुगानि खाबु होनाय आरो दावबायनायखौ बांहोनाय। बे थांखिआ कन्याकुमारिखौ मोनसे गाहाइ दावबायारि जायगा महरै जौगाकां होनो नाजानायफोरनि मोनसे बाहागो। बे दालांखौ गोदान मुगानि टेक्निकजौं बानायनाय जादौं आरो बेखौ गोखौं बार, दावहा आरो गोखौं लैथोमायारि बारजौं लोगोसे लैथोमायारि गोब्राव थासारिजौं जुजिनो हानाय बादिदै डिजाइन खालामनाय जादौं।

करियानि बिजिरसालिआ हादतगिरिनि बेरेखायै वारेन्ट फोसावदौं



सिउल, 31 डिसेम्बर : खोला करियानि बिजिरसालिया मंगलबारआव हादतगिरि युं सुक येअलनि हेंथा एरेस्ट वारेन्टखौ गनायथि होबाय। हादतगिरिनि सायाव 3 डिसेम्बरवा मार्शल ल' फोसावनायनि थांखि लानायनि गोब्राव दाय जाबसिन्नाय जादौंमोन आरो बिथांखौ खुंथाइनिफ्राय बोख्तायदौंमोन। जइन्ट इन्भेस्टिगेशन अफिसआ मोनसे फिन्नायाव बुंदौंदि, जइन्ट इन्भेस्टिगेशन अफिसआ सारफेन खालामनाय हादतगिरि युं सुक येअलनि थाखाय एरेस्ट वारेन्ट आरो सिप्रोमनाय वारेन्टखौ मंगलबार फुंआव फोसावदौं। गोजौं बिबानाव थानाय बिबानगिरिफोरनि गेना-खांथि नायबिजिग्रा मावख'आ रोखा खालामदौंदि, सियल सोनाब जिल्ला कर्टआ वारेन्टखौ गनायथि होयो। जायगानि मिडियाआव बुंनाय बायदिब्ला, खोला करियाआव सोरबा हादतगिरिनि हेंथायै फोसावनाय बेनो गिबि वारेन्ट। खोला करियानि हादतगिरिया डिसेम्बर दाननि जागायनायाव मार्शल ल' फोसावदौंमोन। बेनि हेंथायै समबाराव नायबिजिग्राफोरा परेस्ट वारेन्ट दाबि खालामदौंमोन आरो बेनि उनावनो कर्टआ मंगलबाराव बेखौ फोसावदौं।



दिगन्त बराखौ गुवाहाटीनि गोदान पुलिस कमिसनार बिबानाव थिसनबाय



गुवाहाटी, 31 डिसेम्बर : आसामनि गोजौं थाखोनि पुलिस बिबानगिरि पार्थ सारथि महन्तखौ दिगन्त बरानि जायगायाव गुवाहाटीनि गोदान पुलिस कमिसनार महरै थिसनबाय। महन्तआ 2006 बेचनि आइपिएस बिबानगिरि, जाय आइन् सामलायनायाव गावनि गोखौं रोंग'थिनि थाखाय मिबथिजायो। बिथाड सिगां गुवाहाटीयाव जइन्ट पुलिस कमिसनार बिबानाव दंमोन आरो क्राइम एन्ड इन्फुड बायदि मख'जाथाव बिबान सामलायोमोन। 2024 नि जागायजेनायाव बिथांखौ आइजिपि मासियाव प्रमशन होदौंमोन। दिगन्त बराखौ आइजिपि (एसबि) महरै थिसननाय जादौं आरो लाचित बरफुकन पुलिस एकाडेमि, देरगावनि बिथोनगिरि महरैखो उफ्र बिबान होनाय जादौं। बे गाहाइ बिबानाव थिसननायनि अनगायै माखासे गुबुन गागि बिबानगिरिफोरखौ ट्रेसफार खालामनाय आरो गोदानै थिसननायबो जादौं। आइपिएस अखिलेश कुमार सिंहखौ आइन्-आबुथिनि डिएसपि थिसननाय जादौं। फारसेथिं डिएसपि (टेलिकम) आरो डिएन्डएथिनि डिएसपि महरै आथिखालनि बिबानावनो दोनफिन्दौं। आइपिएस लाचित बरुवा बिथाड आसाम पुलिस हाउसिं कर्पेसन लिमिटेडनि सामलायगिरि-बिथोनगिरि महरैनो थागोन।

पेरिस, 31 डिसेम्बर: गोदान बोसोर 2025 आ माबादि जागोन बेखौ लानानै गोबां सुबुंफोर मिथिनो उसु-खुथु जानानै दड आरो गोदान बोसोरखौ बरायनोबो हांखुर जादौं। मुलुगदांखा इयुन हमादांगिरि जर'खागिरि नारुत्रेदमसआ गावनि सोमोनांथाव इयुन हमादांनो बुंथिलांनयनि थाखाय मिथिजायो। बिथाड सुबुंफोरजौं लोगोसे एलियेननि कन्टेक्ट, ब्लादिमीर पुतिनखौ बुथारनो नाजानाय, इउरपआव उतखारि गाग्लोबनाय आरो किं चार्लसनि थाखाय अशान्ति खुंथाय नुजाथिनाय बायदिफोरखौ बुंथिलांनो। बयनिखुइबो गोमोथावसिन बाध्याया जादौं, बिथांमोननि इयुन हमादांनोनायफोरनि गेजेरव 2025 आव इउरपआव मोनसे सिलिंखार खालामलांनय दावहा जागोन होन्नानै बुंनाय, जायखौ लानानै गिदिर दान्थे-बिदान्थे नुजाथिदौं।



बाबा बेंगाआ 1996 आवनो थैदौं, नाथाय बिथानि बुंलांनय 9/11 गाग्लोबनाय, राजकुमारि डायना थैनाय, चेसबिल खैफोद आरो ब्रेक्सिट बायदि मुलुगनि मख'जाथाव जाथायफोर नुंगुबै फोरमान जादौं। बिदिनो प्रान्सनि इयुन हमादांगिरि नरुत्रेदमसआबो गोबां गोखौं इयुन हमादांनो फोरमायलांदौं, जाय बयखौबो सोमोनांहोयो। मानोना बितांनि बुंलांनयाबो जाफुंदौं। बाबा बेंगानि बादिब्ला, मोनसे गिदिर दावहाआ इउरपखौ सिलिंखार

खालामगोन, जायजौं बे महाद्वीपनि सुबुं अन्जिमाआ जोबखानो हागौ। रासियाआ बारग'गोन आरो मुलुगनि सायाव गोहोम खोखैल'गोन। इउक्रे ननि हेंथा दावहा सोलिनायखौ नोजोर होना बे इयुन हमादांनया आरोबाव जिंगा सिहोगोन। बेनि अनगायै मिथिगायारि खैफोदफोरखौबो बिथांमोनहा बुंथिलांदौं। जेराव आमेरिकानि सोनाब बोसियायव बांग्रि आरो इनएक्टिव एबा सांग्रां नडै अरों हाजो बेरुन्नायफोरबो दंफायो। नरुत्रेदमसआबो इउरपआव गोखौं दावहा जागोननि सांग्रांथि होदौं। आमेरिकहा हादरनि अनगायै मुलुगनां थाखोआवबो सुधुरआ बांगोन। 2025 बोसोरखौ लानानै नरुत्रेदमसनि इयुन हमादांनया गिखंथावसिन होन्ना गनायथिजादौं। बिथाड बुंलांनय बादिब्ला, ब्रिटेनआ मोनसे गेदेत बेरामजौं सिलिंखार जागोन। बिथाड गोदो-गोदाय जानाय गेदेत इन्फेक्सनआ फेफिनगोन होन्नानैबो सांग्रांथि होदौं।

मेघालयआव केएसइउआ यु किआं नांबाहनि थैनाय सानाव आइएलपिनि दाबिखौ गोखौं खालामदौं

शिल्ल, 31 डिसेम्बर: खासि फरायसा आफाद (केएसइउ) आ मेघालयआव इनार लाइन पारमिट (आइएलपि) खौ सोलिहोने गावसोरनि दाबि देखांनयाखौ मख'नानै थांनाय समबारखालि उदांखि सोमावसाया सांथि पु किआं नांबाहनि 162 थि थैनाय सान फालियो। सिभिलनि खाथियाव नांबाहनि मुसुखाखौ मान बावनायनि मोनसे हाबाफारियाव शिल्लडव देहा फाहामसालि, केएसइउ आफादगिरि लेम्बकस्टारभेल मारनगरआ बिधान सभायाव आइएलपि थांखि पास खालामनो थाखाय रइज्यो सरकारखौ सांखारिदौं। बिथाड बिबानगिरिफोरखौ अलखदआव खोखैल'नायनि दाय जाबसिन्दौं। 2016 खौ मेघालय एमआरएसएसएखौ मिजिं थिनानै हादतनि ट्राइबेल्फोरनि इयुन, जायखौ आयेन बेरेखा गुबुन हादतयारिफोरखौ सोमोन्दो लाखिनो



थाखाय डिजाइन खालामदौंमोन। मारनगरआ फोरमायदौंदि, एमआरएसएसएनि गेजेरजौं उमलिडव गायसनाय हाबग्रा गेटखौ सिअभिआइडि-19 नि उनाव बन्द' खालामदौंमोन। महामारिनि सायाव जिंगा सिनाय फोरमायनानै सरकारआ हादतयारि बिबानगिरिफोरखौ रैखा खालामनायनि सोमोन्दै गोनांथि लायाखैमोन। बिथाड फोसावदौंदि, जौं खुंथायाव थानाय सुबुंफोरनो जौनि सुबुंफोरनि इयुनजौं रादाय खानो गनायथि होनाय नडा। नंबाहनो बिबाव बाउनानै बिथाड इयुन जोलैफोरनि थाखाय थुलुंगा महरै ब्रिटिश खुंथायनि हेंथायै बिथानि होबथानायनि सायाव गोनांथि होयो। बिथाड लाइमोनफोरखौ एक्टिभे गावनि बिबानगिरिफोरखौ रैखा खालामनो आरो गावनि फोलेरखौ रैखा खालामनो खावलायो।

दिनैनि फान्जामुथि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र वृश्चिक : ब न धनु : ध भ (ड फ)
 मकर : ख ज कुम्भ : ग श (स) मीन : द च (ख ज झ)

- मेष:** मानिबा थाखाय रं खरसा खालामनानो हागौ। गोसो हमाथानानै सोलिनाया गहाम।
- वृष:** जेखि मावा फालागियाव मुलाम्फा खालामनो हागोन। गोसोखौ गोजोन मोनगोन। मोजां सान।
- मिथुन:** जेखि जाया गोथार खामानि मावनानै लानो हागोन। गोसोखौ गोजोन मोनगोन। मोजां सान।
- कर्कट:** नख'रआव शुभ खामानि मावनो गोनां दडवा मावनानै लानो हागोन। गोसोखौ गोजोन मोनगोन।
- सिंह:** माबाफोर जेनायाव गोग्लैनो हागौ। जैरेबो सांग्रां जानानै थानांगोन। गोसोखौ हमाथाना था।
- कन्या:** जेना-जेसि थानाया जोबखानाया नडा। गोसोखौ शान्ति मोननाय नडा।
- तुला:** बबेबा जायगायाव दावबाय हैनो मोनो हागौ। गोसोखौ गोजोन मोनगोन।
- वृश्चिक:** मोजां मोनलायनायनि गेजेरव अनलायनाय फेगोन। फारफोमथिबो मोजां।
- धनु:** लोगो-दिगि जालायनाया बांलांगोन। गोजोनै सम बारहोनो हागोन। मोजां सान।
- मकर:** खामानि मावनायाव बोलो बाहायनांगोन। जेखि खामानियानो जाया गोसोखौ हमाथा।
- कुम्भ:** सोरजौंबाफोर दावराव-दावसि जाबायबायनो हागौ। गोसोखौ हमाथाना था।
- मीन:** माखौबा लानानै जिंगा सिनांनो हागौ। गोसोखौ शान्ति मोननाय नडा।

गाहाइ मन्थि मदिआ गामियारि लाइब्रेरि बेखेवनो थांखि होदों

गोदान दिल्ली, 31 डिसेम्बर: भारतनि फिसा-फिसा गामि आरो ओन्सोलफोराव फरायनाय आरो सान्नाय-हनायफोरखौ जौगाकां होनो थाखाय गाहाइ मन्थि नरेन्द्र मदिआ मोनसे साबसिन अप्सन होदों। बिथानि बादिब्ला, गोजाम बिजाबफोर, लाइसि आरो खौरां बिलाइफोरखौ गोदाने बाहायनायजों बे जायगाफोरनि सुबुंफोरनि गियान आरो सोलोआ बांगोन आरो हादरखौ जौगाकां होनायाव मदद मोनगोन। मिरु मन्थि सतिश चन्द्र दुबेआ थांनाय समबारखालि एक्सआव मदिआ स्टरी हेन्डलनि गेजेरजों मोनसे भिडिअ शेरार खालामदों। बेयाव संसदन सोद्रोमाफोरजों लोगो हमनाय समाव गाहाइ मन्थि मदिआ खेबसे फरायजाखानायनि उनाव गोगलैसोना थांनाय बिजाबफोर, लाइसि आरो खौरां बिलाइफोरनि सिमना गैथे गोहोफोरखौ दिन्थियो। भिडिअआव बिथाड बुडोदि, बे बिजाब आरो लाइसि



बायदिफोरखौ फिसा फोलेरारि लाइब्रेरि बानायनायाव बाहायनो हायो। जर'खायै बैफोर बायदि जायगाफोराव जेराव बिजाबफोरा जोबेद सिमना गोनाडे सौहेयो। बिथां मदिआ एमपिफोरखौ बाहायनायनि उनाव बेकार जाखानाय गोजाम खौरां बिलाइ, लाइसि आरो बिजाबफोरखौ जमा खालामनो थिनो। बेफोरखौ एरेबादि राइजोयारि जायगाफोरख टेबल सायाव लाखिनो थिनो। जेराव सुबुंफोर फेयो आरो बेफोरखौ फरायो। फिसा गामिफोरारव बेबादि थोजासे जायगाफोर दड, जेराव सा 10-20

ड० मनमहन सिंहनो भारत रत्न होनांगौनि दाबिजों तेलेंगाना एसेमब्लियाव बिल पास खालामदों

हाइद्राबाद, 31 डिसेम्बर: तेलेंगाना बिधान सभाआ समबारखालि बयनिबे गनायथिजों गांसे बिथांखि पास खालामनाने बारा' गाहाइ मन्थि मनमहन सिंहखौ भारत रत्नजों मान बाउनो मिरु सरकारनिसिम खवलायहरदों। मनमहन सिंहनो भारतनि जौसिन नोगोरारि मान होनो थाखाय गिबि मन्थि ए रेभन्त रेड्डिआ दिन्थिनाय बिथांखिखौ बिधान सभाआ गारांसेयैनो गनायथियो। बिधान सभानि जर'खा जथुमआव बारा' गाहाइ मन्थि सिंहनो बिबार बाउनय जायो आरो हादरनि जौगानाय आरो तेलेंगानाखौ दानायाव बिथानि बेसेन गोसा बिहोमा होनायखौ गनायथिनाय जायो। बिधान सभाआ तेलेंगानानि सुबुंफोरनि 60 बोसोरनि आसाफोरखौ जाफु'होनाय सासे गेदेमा दैदेनगिरि महरै बिथानि गोसोखांथि महरै हाइद्राबादआव ड० मनमहन सिंहनि मोनसे मुसुखा गायसन्नायनि



बिथांखिखौबो गनायथि होनाय जायो। ड० सिंहआ गाहाइ मन्थि जानाय समाव सुबुंफोरनि गोबाव बोसोरनि आसा-मिजिंखौ जाफु'होनाय 2014 नि अन्ध

प्रदेशखौ दाफिन्नाय एक्टखौ संसदआव पास खालामनाय जादोंमोन। गाहाइ बेरेखा दोलो बिआरएसआ मनमहन सिंहनो भारत रत्न होनायनि दाबिखौ

आबुं मदद होयो। बिआरएस दैदेनगिरि केटि रमारावआ रूसारि ड० सिंहआ बे बान्थाखौ मोन्नांगौनि गुन दडहोना गावनि रायखौ होयो। बेरापास बारा'

गाहाइ मन्थि मनमहन सिंहआ थैनायनि उनाव गुबुन गुबुन आयदाफोरखौ लानानै राजखांथिथारि दान्थे-बिदान्थेआ गोखौसिन जाबेदों। बिथानि गोसोखां खाम्फा लुनायनि जायगा सायख'नायनि सायाव दावराव, कंग्रेसनि दैदेनगिरिफोर अस्थि बिसार्जन एवा हाथ'पला फोजावनाय हाबाफारिआव थाडैनि सायाव सौंथि आरो आथिखालाव बिजेपिनि दाय जाबसिन्नाय गासै हादरआनो दुख-दाहायाव गोदोफबना दड; बे समावनो राहुल गान्धीआ गोदान बोसोरनि रंजाथाय फालिनो भियेतनामआव थांदों होना बुडे।

आरजिथाइनि खमायनाया बेंकफोरखौ जेंनायाव खोख्लैदों

गोदान दिल्ली, 31 डिसेम्बर: सना बन्दक दोन्ना लन लाग्रा ग्राहकफोरनि गेजेरार डिफल्टनि केसआ थांनाय माखासे दानाव गोखेयै बांदों। आरबिआइनि फारसेनिफ्राय फोसावनाय अन्जिमानि बायदिब्ला, बेंकफोर आरो एनपिएफसिनि सनानि लन एनपिएआ जुन 2024 सिमाव 30 जौखोन्दो बाययनानै 6,696 कौटि रंआव सौहैबाय। बे अन्जिमाया दान मोन्थाम सिगां मार्च 2024 सिमाव 5,149 कौटि रंआव दंमोन। 'दा इन्डियान एक्सप्रेस'नि फारसेनिफ्राय आरटिएआइनि फिनजाथायाव आरबिआइआ मिबथि होयोदि, कमरशिथेल बेंकफोरारव जुन 2024 सिमाव सनानि लन एनपिएआव 62 जौखोन्दो बाययदोंमोन बेयो मार्च 2024 नि 1,513 कौटि



खारनाय सुबुंफोरनि रं आरजिनायाव गोहोम गोग्लैदों, जायनि जाहोनाव लन लाग्राफोरनि थाखाय बेखौ सुख'नांगोआ गोब्राव जादों। एप्रिलनिफ्राय अक्टबर सिमाव बेंकफोरनि सनानि लनआव 50.4 जौखोन्दो बांनय नुनो मोन्दों। सनानि बेसेना बांनयाव सुबुंफोर नख'रि खरसा, स्कुलनि खरसा आरो देहा फहामसालिनि खरसानि थाखाय गावसिनि सनाफोरखौ बन्दक दोन्दों। बिसोरो लनखौ सुख'वाखै मानोना लननि रंखौ बायनाय बेसेनिखुडू बांसिन जादों होना सान्दों।

सनानि लनआव 50.4 जौखोन्दो बांनय नुनो मोन्दों। सनानि बेसेना बांनयाव सुबुंफोर नख'रि खरसा, स्कुलनि खरसा आरो देहा फहामसालिनि खरसानि थाखाय गावसिनि सनाफोरखौ बन्दक दोन्दों। बिसोरो लनखौ सुख'वाखै मानोना लननि रंखौ बायनाय बेसेनिखुडू बांसिन जादों होना सान्दों।

सनानि लनआव 50.4 जौखोन्दो बांनय नुनो मोन्दों। सनानि बेसेना बांनयाव सुबुंफोर नख'रि खरसा, स्कुलनि खरसा आरो देहा फहामसालिनि खरसानि थाखाय गावसिनि सनाफोरखौ बन्दक दोन्दों। बिसोरो लनखौ सुख'वाखै मानोना लननि रंखौ बायनाय बेसेनिखुडू बांसिन जादों होना सान्दों।

मोन्नांगौ मुजिराखौ होयैनि हेंथायै साहा बागाननि मावफारियाफोरा धर्ना होदों

मुसलपुर, 31 डिसेम्बर: आसामनि सालबारि फातेमाबाद साहा बागाननि मावफारिया एवा लेबारफोर गावसिनि आद्रा थांनाय मुजिराखौ थाबैनो होनांगौनि दाबिजों धर्ना खालामदों। मानास दैसा साखाथिनि बासबारिआव थांनाय प्रपाटी अफिसआव धर्ना होग्राफोर होंगो-दोंगो थुबुर जाहेदों आरो बिसोरो सामलायगिरिनि सायाव सोबख'नाय आरो बिबानखौ मावफुडै नि दाय जाबसिन्दों। बागान सामलायगिरि राजेश जालाननि हेंथायै गोखों स्त'गान रिखांदों। लेबारफोरा अजद होनाय बायदिब्ला, बिसोरो गावसिनि मोन्नांगौ मुजिरा आरो बनासखौबो मोनाखै। बागान सामलायगिरिया 7 सप्ताहनि मुजिराखौ होबथाना दोन्दों। आरो 12 जौखोन्दो बनास होनो बुंनयखौबो होयाखै। बेनि जाहोनाव लेबार आरो माखासे



मावसुमाफोरा गोबाव मुजिरा मोनैयाव रंखाथिनि जेंनायाव गोगलैनांदों। धर्ना होग्राफोरा दाबि दैखांदोंदि, सामलायगिरिया गोबाव समनिफ्रायनो गावसोरनि रेशन रान्नायखौबो बन्द' खालामना दोन्दों आरो लेबार, मावसुमाफोर, उफ्रा मावसुमाफोरनि फाहामथाय

सुबिधाफोरखौबो होयाखै। मख'जाथावदि, थांनाय 26 डिसेम्बरखालि मुसलपुरआव खुंनय जथुमयाव आबुं थांखि लानो हायैनि बिजाउन महरै बे धर्नाया नुजाथिदों। मानोना जथुमयाव बागान सामलायगिरिया 2 सप्ताहनि मुजिराखौ होग्रागोन होन्ना खोथा होदोंमोन आरो समा

No.KDB-445/2023-2024/10901

Dated the 27th Dec., 2024

NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under SOPD fund for the year 2024-25 as stated below. The tender will be received by the undersigned upto 2.00 PM of 17/01/2025 and will be opened on the same day at 3.00 PM.

Sl. No.	Name of Work	Location	A.A. Amount (Rs. In lakh)	Cost of bid document	Amount of bid security	Time of completion
1	Const. of Guest House at Sankosh Kherai Bathou Janaligaon	Janaligaon	15.00 L	0.03%	SC/ST= 1% OTH = 2%	3 months

Details N.I.T may be seen in all working days during office hours in the office of the undersigned. Tender will be issued to the contractors or their authorized agent from 28/12/2024 to 17/01/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

Sd/-

Block Development Officer,
Kachugaon Dev. Block, Gurufela

IPR(BTC)/C/2024-25/1215

No. BDB/Tender/46/2023-24/3671

Date 30/12/2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 days which will be converted and drawn up in the printed of F-2 form are invited from the registered contractors of Class-I (A, B & C), Class-II & Class-III category of Assam PWD (Roads & Building) and BTC according to their eligibility for submitting tenders for the works under MCLAD Fund (SOPD) Under the WPT & BC Dept. BTR during the financial year 2024-25 as stated below. The tenders will be received by the undersigned up to 2.00PM on 22/1/25 and will be opened on the next date (as on 24/1/25) & place at 2.30 PM.

Sl. No.	Name of activity	Estd. Value (in Lakhs)	Tender Value	EMD/Bid Security (in Rs)	Cost of Tender paper (in Rs.)	Pre-bid date and Time	Last date & time of bid submission	Date & Time of bid opening	Time of completion of Work
1	"Const. of Prayer Huse for kali Mandir at chonpothar (Adivashi chupa)"	3,50,000/-	3,46,500/-	3500 For ST/SC/ OBC 7,000 For Gen./Enterprise	110	21/1/25	22/1/25	24/1/25	3 month
2	"Const. of road from UT road to Jagadhatri Mandir via Chitta Biswas House".	3,00,000/-	2,97,000/-	3000 For ST/SC/ OBC 6,000 For Gen./Enterprise	100	21/1/25	22/1/25	24/1/25	3 month
3	"Const. of road at Barnadihabi, ".	3,00,000/-	2,97,000/-	3000 For ST/SC/ OBC 6,000 For Gen./Enterprise	100	21/1/25	22/1/25	24/1/25	3 month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 21/1/25 to 24/1/25 up to 1.30 PM in the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary, BTC Kokrajhar payable at Kokrajhar.

Sd/-

Block Dev. Officer,
Bhrgaon Dev. Block, Bhrgaon

IPR(BTC)/C/2024-25/1214

No.BDB/15th FC(General)/2024-25/1

Dated Borobazar, the 31st Dec., 2024

NOTICE INVITING TENDER (NIT)

Tender No. 3 of 2024-25

The office of the Block Dev. Officer, Borobazar T. D. Block, Chirang invite bids for the works under 15th FC (Tied Grant) for the year 2023-24 during 2024-25 in Bid system (F 2 Form) affixing a non-refundable court fee stamp of Rs. 8.25 (Rupees eight & paise twenty-five) only from the registered contractors of Class-I (A, B & C) and Class-II category of Assam PWD (Road & Building) as details below.

Package No.	Name of the work	Bid Value (in Rs.)	Earnest Money/ Bid Security (in Rs.)		Cost. of Bid	Period of completion
			General category	Reserved category		
1/9	Const. of community toilet at Kamarguri bazar	1047960.00	20960.00	10480.00	500.00	90 days
2/9	Const. of community toilet at Milon Bazar Amteka	1047960.00	20960.00	10480.00	500.00	90 days
3/9	Const. of community toilet at Noursri Ashram Shyamthaibari	1047960.00	20960.00	10480.00	500.00	90 days
4/9	Const. of community toilet at Parbojthora RC	1047960.00	20960.00	10480.00	500.00	90 days
5/9	Const. of community toilet at Dwimunagwr	1047960.00	20960.00	10480.00	500.00	90 days
6/9	Const. of community toilet at Kali Mandir Jharbishpani	1047960.00	20960.00	10480.00	500.00	90 days
7/9	Const. of community toilet at Fency bazar	1047960.00	20960.00	10480.00	500.00	90 days
8/9	Const. of community toilet at Milon bazar	1047960.00	20960.00	10480.00	500.00	90 days
9/9	Const. of community toilet at Alaori VCDC Office	1047960.00	20960.00	10480.00	500.00	90 days

Detail NIT may be seen in all working days during office hours in the office of the undersigned. In case the office remain close on tender issuing/ receiving/opening date the same will be issued/received/opened on the next working day.

- The Bid security amount as specified in the above table (Column 4) against the work should be deposited through Bank Draft in favour of Block Dev. Officer, Borobazar TD Block
 - The non refundable tender fee as specified in the above table (Column-5) against the work must be deposited through Bank Draft in favour of Principal Secretary, BTC, Kokrajhar payable at SBI, Kokrajhar
- Date of issue of Bid Document : 02/01/2025
 - Last date of issue and submission of Bid Document : 23/1/2025 up to 2.00 PM
 - Date of opening of Bid : 23/1/2025 at 2.30 PM

Sd/- Block Dev. Officer,
Borobazar T.D. Block

IPR(BTC)/C/2024-25/1218

No.TBDB/15th Fin/47/2024-25/Dated, the 31st Dec/2024

SHORT NOTICE INVITING TENDER

Sealed tender affixing non-refundable court fee stamp of Rs. 8.25 (Rupees Eight & paise twenty five) only by the B.D.O Tihu-Barama Development Block, against the Administrative Approval by the Secretary Cum Nodal Officer (FC Cell), BTC Kokrajhar, vide no BTC/FC Cell/(15th Finance -T)/179/2024/Pt-1/155 dt.25/10/2024 from the Govt. registered contractor/Firm of appropriate class with sound financial background fulfilling the eligibility criteria for execution of the different works as shown in the NIT, Terms & Conditions details may be seen at the office notice board. Tender papers may be obtained from the office of the undersigned on any period mention working days on payment of non-refundable Rs. 400.00 (Rupees four hundred) only in cash for each act of tender paper.

Period of collection of Tender documents	To be obtain from the office of the BDO Tihu-Barama on any working days/ hours up to 4.00PM from 1/1/2025 to 21/01/2025
Last date and time for submission of tender	Sealed tenders in prescribed format for every individual work will be received by the office up to 2.00 PM on 21/01/2025
Date & time of opening of tender	The sealed tenders will be opened at 2.30 PM on 21/01/2025
Name of Works	Sl. No. Name of Schemes A.A Value of Works (Rs.) A.A Value of Works (Rs.) Time of Completion
	1 Const. of Community Toilet at Goibari Bathou Thansali under 15 th FC (Tied Grant) for the year 2023-24 during 2024-25 10,47,960.00 10,47,960.00 60days
Earnest Money	The Contractors / Firms have to enclosed 2 % Earnest money (1% for ST/SC) with the tender papers in the form of CDR,FD,DD to be drawn in favour of B.D.O Tihu Barama Dev. Block, payable at Barama
Tender Fee	0.03% Tender fee is to be drawn in the form of Demand Draft in favour Principal Secretary B.T.C Kokrajhar, Payable at SBI Kokrajhar.
Eligibility criteria(Minimum)	The Contractor should have the experience of having successfully completed similar works during the last 5 years. All current up to date Licences and relating papers are to be enclosed

Tender not accompanied by the Earnest Money Deposit (EMD) is liable to be rejected. Sealed tender in the prescribed tender form shall be addressed to the Block Dev. Officer Cum Chairman, Tender Committee, Tihu - Barama Dev. Block, Barama, Dist. Baksa, P.S.Barama, PIN-781346, Assam. Tender received after above date & time will not be accepted. The undersigned reserve the right to issue the tender papers to the tenderers and to accept or reject/ cancel any or all the tenders If the situation compels to do so without assigning any reason thereof and DOES NOT BIND HIMSELF TO ACCEPT THE LOWEST QUOTED RATE OF TENDER. UNSEALED TENDER WILL SUMMERILY BE REJECTED.

Sd/- Block Dev. Officer Cum Chairman,
Tender Committee, Tihu-Barama Dev. Block

IPR(BTC)/C/2024-25/1217

एलेक्सा, गुगोल मेप आरो सिरि गासैआवबो हिन्जावनि गारां होनायखौ मिबथिनो गोनां

नोजोर होथावदि, कारफोरव लागानाय जिपिएस सिस्टेमा लामा फोरमायोब्ला मोनसे राव खोनानो मोनो। जौनि एनआव एलेक्सा एबा सिरियाबो जौनि अडारआव गोखै खामानि मावो। नाथाय नोंथाड माल्बा नोजोर होदो ना बांसिन भाचुएल एसिस्टेन्ट जेरै सिरि, गुगोल एसिस्टेन्ट, एलेक्सा बायदिफोरव हिन्जावनि गारांखौल' मानो बाहायो? बेनि जाहोना मा बेनि फिन्नायखौ गोबां सुबुंफोरा होनो हानाय नडा। मानोना बेनि आन्दोआव माखासे बिगियानारि, समाजयारि आरो गोसो बिगियानारि जाहोन दं। गोबां स्टजियाव मिबथिनो मोन्दोदि, सुबुंफोय हिन्जावनि गारांखौ साबसिन मोनो। माखासे सुबुंफोरनि गनायथिनाय बायदिब्ला, बेबायदि मोजां मोन्नाया जौनि भूण अबस्थानिफ्राय जागायो, मानोना गोबांआव आइजोनि रावफोरा जौनो गोजोन आरो सुखु होयो। गुबुन स्टडियाव मोन्दोमोन, आइजोफोरनि गारां एबा रावआ बांसिन रोखायै रिखाडो। बेनि जाहोनाव बेखौ बुजिनायाव गोरलै जायो। हिन्जावफोरनि




रावखौ नैथि मुलुग दावहानि समाव उरां जाहाजफोरनि ककपिटआवबो बाहायनाय जादोमोन, मानोना बिसोरनि रावआ हौवा पायलटफोरनिफ्राय गेस्त्रेम आरो रोखासिन जायोमोन। बेजो बिसोरखौ गोरलैयैनो सिनायनोबो हानाय जायोमोन। अदेबानि माखासे स्टडिफोराव बे दाबिया नंखायबो फोरमान जादो। भाचुएलनि मुलुगआवल' नडा, सरासन्ता मुलुगआवबो गोबां बोसोर सिगानिफ्रायनो आइजोफोरनि गारांखौ बांसिन गोनांथि होबोदो। 1880 नि जौथाइसिमाव टेलिफन

अपारेटरआ खालि आइजोफोरल' जायोमोन। समाजआव आइजोफोरखौ जेब्लायबो मदतगिरि आरो अन्साइगिरि बिफावफोरखो नुनो मोनो। बे सान्नाय हनाया गोबाव समनिफ्रायनो समाजआव गोर जायगा आवगिना दं। गोबां टेकन'लजिकेल कम्पानीफोरा बे सानस्त्रिखौ आजावदो। रिसार्चआव बेखौबो मिबथिनो मोन्दोदि, आइजोफोरा सरासन्तायै गावनि रावफोयव मोनसे गुबै आरो सुखु गोनां होनो हायो, जायखौ खोनासंग्राफोरा आराम मोनो। कम्पानीफोरा

हास्थायोदि, बिसोरनि भाचुएल एसिस्टेन्टफोरखौ हानायमानि बांसिन सुबुंफोरा बाहायो। बेनिखायनो बिसोरो हिन्जावफोरनि गारांखौ बांसिन बाहायो। मानोना बेयो कास्टमारफोरजो बांसिन सरजाबनाय मोन्दोथियो माखासे कम्पानीफोरा कास्टमारफोरनो भाचुएल एसिस्टेन्टि थाखाय गारां एबा भइच सायख'नायनि अप्सनबो होयो, जेरै हौवा एबा आइजोनि गारां। बिदिन्थि महरै गुगोल एसिस्टेन्ट आरो सिरियाव नोंथाडा भइचनि जेन्डारखौ सोलायनो हागौ।

तावां खुंथाइया गोजां बोथोरनि गोखौ सांग्रांथियारि बोसोन फोसावदो



इटानगर, 31 डिसेम्बर: सेलेन्स गोनां गोजां बोथोरनि समाव रइज्योआरि रेखाथिखौ रोखा खालामनो थाखाय अरुणाचलनि तावां जिल्ला बिबानगिरि (डिसि) काकिदरंआ मोनसे गुवार बोसोन फोसावदो। बे बिथोना थागिबिफोर आरो दावबायारिफोरनि थाखायबो

गोहोम गोनां, जरखायै गोजौ बाहागोयाव थाग्रा सुबुंफोरनि थाखाय मख'जाथाव। बुमला पास, शंगेत्सेर बिलो, पिटि त्सो आरो सेला पास बयजोबो अन्सायजाग्रा जायगाफोराव दावबायनार्यनि यजना लार्दोब्ला, दावबायारिफोरनो बोथोर आरो लामानि थासास्त्रिखौ नायसंग्रोनो

बोसोन होनाय जायो। मानोना गोबां बरफ गोरलैनाय, फ्रि-फ्रि बरफ गोरलैनाय लामा आरो हरखाव बोथोर सोलायनाय जायगाफोराव बोथोरनि खैफोदआ बांसिन जायो। दावबायारिफोरखौ बरफजो खोबनाय लामायाव गारि सालायनायाव गारि साखाखौ

नन-स्कड टयार सेनजो लेस खालामनो बोसोन होदो। लोकोसेनो सावस्त्रियारि सांग्रांथिफोरखौबो नोजोर होनोबो बुदो। गोजौ हाजोयाव बांसिनै जानाय बेराम एबा आथिखालनि देहायारि जेनाफोरजो भुगिनांनय दावबायारिफोरखौ बुमला आरो सेला करिडर बायदि जायगाफोराव थांनयखौबो होबथानाय जादो। लोकोसेनो बै गुसु जायगायाव बाहायजानाय गुदु कसाब, इमार्जेन्सि किट आरो मुलुगनां थाखोनि जोन्थोरफोरजो फोनांजाव खालामनो बोसोन होदो। बेनि अनगायै लाथा खानाय बिलोफोराव आगान होयै एबा थाबायनायखौबो गोखौ सांग्रांथि होदो, मानोना बरफआ गोबा आरो एसेयावनो गेबुसाराखा खैफोद सोमजिहोनो हागौ।

आसामआ लन बल सेम्पियनसिपआव जाफुंसारनो हादो

गुवाहाटी, 31 डिसेम्बर: आसामआ दिल्लीआव खुंजानाय 9 थि नेसनेल लन बल आरो इउ-25 नि बाथि लन बल सेम्पियनसिपआव गोखौडे दिन्थिफुनो हानायजो माखासे मेडेल लाबोनो हादो। आसामनिफ्राय बे सेम्पियनसिपआव नयनमनी शइकियाआ अन्सायगिरिफोरनि गोसोखौ जै खालामदो। जेराव बिथाडा आइजोफोरनि सिंगेल्सआव सनानि मेडेल देरहादो। बेराफार्से पुतुल सनवाल, बितुपन राभा आरो जयन्त शर्मानि हौवाफोरनि हान्जाया हौवाफोरनि ट्रिपल इन्धेन्टआव सनानि मेडेल देरहानो हादो। बिथामोननि अनगायै बिमान नाथ आरो बिस्वजित कुन्दआबो हौवाफोरनि जावजा के टेगिरिआव मोजाडै दिन्थिफुनो हायाखैब्लाबो



जोबथायाव ब्रन्ज मेडेलजो गोजोनांदो। आइजोफोरनि केटेगिरिआव गाहायै मोनब्रै थाखोआव मेडेल देरहादो। जेराव जिना बरुवा, तृष्णा गगै, पम्पि बरुवा आरो करिना

पाटवारिनि हान्जाया बे सेम्पियनसिपनि गेजेरजो जानो गोनां नेसनेल गेम्सनि थाखाय क्वालिफाइ जानो हादो। बिथामोननि बेबादि जाफुंसारनाया इयुनआव

अन्सायगिरिफोरनिफ्राय गोबां अन्सायनाय मोन्नो हागौ, जेराव आसामनि अन्सायगिरिफोरा बिथामोननि सायाव नेसनेल गेम्सआवबो नोजोर लाखिगोन।

रंजालि गथ'फोरनि सौरा

गोदान बोसोर

दिनै रंजानायनि दोहौ लोमसावनाय बयनिबो गोसोआव बायदि बैसोनि, गोजाम बोसोरखौ बिदाय होनां इंग्रजि गोदान बोसोरखौ बरायनाय दं गोदान मिजिं गोसोफोराव फिखुमानाय।

गोरोन्थिफोरखौ हमदानांने बोसोरफामानि बिजिरनांने दायो खाबाय गावनो गोदान रादाय देगलायनि बोसोराव आगानसे दावखोनो जिडनि जुजिनयफोराव राफोद दावबायारी।

2025 इंग्रजि गोदान बोसोर निमाहा होलायना गोदोना गोबा बोजब सुथुरखौ गुसु बिखायाव नों गोजोत्रायजो सुखुनि मोदो बोहेगोन गोदान बोसोराव रंजानायनि लैथो बोहेगोन।

गेना आखुथायफोरखौ एंगारनो समाय लाबाय बिखा फोदानना हान्थिनोसे गोदान सिमां रनसायना थांखिखौ राफोद खालामाना लामायाव हान्थिफिननोसे गोदान फोसोराव गोसो होसारना।

लैथोनि दाहार रा-रा रौ-रौ लाखिनो हाया जेंसि - बान्दोफोर जौमोननि गुथाल दैथुन जावरिखां गोगो सुबुंथिनि सानस्त्रि आलोयै फिसि गोदान बोसोराव दे जो गोदोना गोबाना हान्थिनि।

गलाप खुंगुर बसुमतारि कक्राझार

बोहैथि दैमा

अरायबो खामानि माव अब्ला नॉनि आखाइयाव थाखा आरो फैसाया बोहैथि दैमा

रैदोम बर', बाक्सा

गोसो खांहोगोन जिडनि बेसेन

आंनि सुजुनाया जाथो मेगननि खन्थाइ जायखौ नुनांने मोनदगोन सुबुंआ थाना थानायनि थार गुमुर गोसो खांहोगोन जिडनि बेसेन।

सबिराम बर' रावां, बागसा

मिजिं

अराय हाथासि आंनि गोसो आरो मोनसे देहा। दं आंनि गोसोआव मोनसे मिजिं। थागोन नामा, बे आंनि मिजिंआ मानिवा जाहोनाव फेलें-? थाड थाड थाड। आंनि मिजिड फेलें। आखायनि खलमनि बिदै आं रानाखै। आखाय आसिआबो सोमावनो बायाखै। गोसोआबो मेलेमाबो मेंआखै। नेवसिआखै बै आंनि मिजिंखौ होसोनो।

मिस धोनिधि बसुमतारि

अरुनाचलनि मम नाइटिंआ जुनियर स्टेट बेडमिन्टन टुर्नामेन्टआव हेट्रिक मेडेल देरहादो

इटानगर, 31 डिसेम्बर: अरुनाचल प्रदेशनि केयी पानीयराव खुंजानाय थामथि जुनियर स्टेट रेंकिं बेडमिन्टन टुर्नामेन्ट 2024 आव रइज्योनिनो गेलेगिरि मम नाइटिंआ जाफुंसारनो हादो। बिथाडा आन्डार 17 आरो आन्डार 19 नि सिंगेल्स बिमुंखौ देरहानायनि अनगायैबो आन्डार 19 डबल सेम्पियनसिपनि बिमुंखौ देरहादो। गिबि मोननै सिंगेल्सनि फाइनालाव नाइटिंआ ओन्सोलारि बादयगिरि पांदुन पान्चाखौ फेजेन्टो। आन्डार 19 नि सिंगेल्सआव सोनाब सियांनि भिकाश लिम्बु आरो सियां जिल्लानिनो कांगुन जाम'आ थामथि मासिआव जुथयै जायगा आवग्रिदो। जेराव बिरि कारकग्राम आरो मारबिन उलीआ आन्डार 17 नि सिंगेल्सआव थामथि मासिआव थादो। आन्डार 19 नि जावजाआव नितिन आरो पान्चानि जराआ सिपे राइराम आरो मारमिन उलीनि जराखौ फेजेन्नांने बिमुंखौ देरहादो। जेराव बे फारिआव आरजिइउएससिबिनि नभाक



कम्पि आरो अनिल बिस्वकर्माआ थामथि मासिआव थानो हादो। हिन्जावसाफोरनि आन्जाद 19 सिंगेल्सआव कामलेनि ला आनुआ सान्जा कामेनि जाम्बा वाइखौ फेजेन्नांने बिमुं देरहादो।

भारतनि क्रिकेट हान्जाया 2025 आव जागायजेन्नायनिफ्राय मोजाडै दिन्थिफुनो नाजागोन

गोदान दिल्ली, 31 डिसेम्बर: भारतनि क्रिकेट हान्जाया 2024 खौ जेन्नायजो फोजोब्याय। नाथाय 2025 खौ हान्जाया देरहानायजो जागायनो नाजासिगोन। थामहिनबा भारतआ गोदान बोसोराव बर्डर गाबास्कार टूफी 2024-25 नि जोबथा थामहिनबा बाथि टेस्ट मेचखौ गेलेगोन। बेनि उनाव इलेन्डनि हान्जाजो गेलेनायनि अनगायै वेस्ट इन्डिज आरो खोला आफ्रिकाजो गेलेगोन। 2025 आव भारतआ एसिया काप बायदि गिरिदर टुर्नामेन्टखौबो बान्जायगोन। भारतआ बर्डर गाबास्कार टूफीनि जोबथा मेचखौ फेगौ 3-7 जानुवारिआव गेलेनायनि उनाव इलेन्डसिम दावबायगोन। जेराव बे दावबायनायाव भारतआ 22 जानुवारिनिफ्राय 12 फेब्रुवारिसिम बे हान्जानि हेंथायै



खेब 5 टी-20 हरिमयायारि मेच आरो खेबथाम वन्डे मेच गेलेगोन। बेनि उनाव फेगौ 19 फेब्रुवारिनिफ्राय 9 मार्चनि गेजेराव भारतआ सेम्पियन्स टूफी 2025 आव मुखुबै थागोन। जेराव भारतआ बे टूफीआव पाकिस्तान आरो इउएजो गेलेगोन। बेनि उनाव नख'रारि

फोथारआव आइपिएलनि मेचआ फेगौ 14 मार्च-25 मेनि गेजेराव जागोन। बेनि उनाव वर्ल्ड टेस्ट सेम्पियनसिप 2024-25 नि फाइनाल मेचआ 11-15 जुननि गेजेराव जाहैगोन। भारतआ बेनि उनाव फेगौ आगस्ट दानआव खेबथाम वन्डे आरो खेबथाम टी-20

मेचनि थाखाय बांलादेशसिम दावबायखानायनि उनाव वेस्ट इन्डिजआ खेबनै मेच टेस्ट सिरिजनि थाखाय अक्टबर दानआव भारतआव सौफेगोन। अक्टबर दानआवनो भारतआ एसिया काप 2025 आव मुखुब जागोन। बेनि उनाव अक्टबर-नभेम्बर दानआव भारत आरो अस्ट्रेलियायनि गेजेराव खेबथाम वन्डे आरो खेब 5 टी-20 मेचआ सोलिगोन। जेराव भारतआ बेनि थाखाय अस्ट्रेलियासिम दावबायगोन। बेनि उनाव बोसोरनि जोबथा दानआव थामहिनबा नभेम्बर-डिसेम्बर दानआव खेबनै टेस्ट, खेबथाम वन्डे आरो खेब 5 टी-20 मेचनि थाखाय खोला आफ्रिकानि हान्जाया भारतआव सौफेगोन।

भारतयारि सान्थिआ सिक्किमआव एसएमभि थिसन्टो

गेटक, 31 डिसेम्बर: भारतयारि सान्थिआ सिक्किमनि राग सिनारिअस आरो आसा खालामथावै इमारजेन्सि साथारिजो नुजाथिनाय जेना एबा सेलेन्सफोरजो मोगा-मोगि खालामनो थाखाय मडान टेक्नीकखौ गोखौ हान्जाजो

सरजाबनाय जादो। मोनसे मख'जाथाव तांखिआव सान्थिआ बरफआव नेभिगेट खालामनायनि थाखाय जौगाखां एटिअर एन 1200 स्पेस लिस्ट मबिलिटी भेहिकल (एसएमभि)खौ थिसनबाय। सिक्किमनि बरफजो खोबफबनाय हाजो आरो

खैफोदजो बुंफबनाय ओन्सोलनि जेना गोनां थासास्त्रिफोरनि थाखाय डिजाइन खालामनाय बे मडान भेहिकलआ सान्थिनि गोहो आरो नुजाथिनायखौ बांहोदो। सान्थिनि सासे बिबानगिरिआ बुंदो, एटिअरएन 1200 एसएमभिआ मोनसे जांखिखानाय



लाबोग्रा, जाय बै ओन्सोलावबो सौहैनो हागौ जेराव गुबुन मथर-गारि एबा हाथियारजो लेस गारिफोर सौहैनो हाया। सान्थिनि बे गोहोआ बै समाव सोराडव फेदो जेब्ला थांनय 29 डिसेम्बरखालि 11 माइलआव अर नांदोमोन। भारतयारि सान्थि

किउआरटिआ जायगानि बिबानगिरि आरो अर लुखोमोखा हान्जाजो लोगो नांन गोखौ हाबाफारि मावो आरो अरखौ लुखोमोनायाव जाफुंसार जायो। बेनि गेजेरजो अर गोसारलानायखौ होबथानो हानायजो लोगोसे सुबुंमेरनि जिउआबो रेखा मोनो।

टिटिपिआ आफगान सिमनानि खाथियाव थानाय पाकिस्ताननि मोनसे चेक पस्टखौ दखल खालामदों

इस्लामाबाद, 31 डिसेम्बर: तहरीक - ए - तालिबान पाकिस्तान (टिटिपि) आ आफगानिस्तान सिमनानि खाथियाव थानाय पाकिस्ताननि मोनसे चेक पस्टनि सायाव दखल खालामनानि मोनसे भिडिअ फोसावों। टिटिपिनि लुसुअ दाबि दैखडोदि, बिस्पोर थानाय समबारखालि पाकिस्ताननि सा-सोनाब आदिवासि जिल्ला बाजौरआव थानाय बे चेक पस्टनि सायाव दखल खालामना लाबाय। पाकिस्ताननि बिबानगिरिया बेनि खौर होदों। पाकिस्ताननि सासे गागि रैखाथि बिबानगिरिया फोरमायोदि, बे चेक पस्टआ होबथाग्रा हाबाफारिनि



बाहागोमोन, जायनि गेजेरजों बेखों खालि खालामो आरो सांनिश्रफोरखौ मोनसे गोदान किलेबन्द ढांचेयाव ट्रान्सफार खालामदोंमोन। बे हाबाफारिया बाजौर जिल्लासिमल' सिमना

गोनां दडमोन। अदेबानि बेखों साहा आरो खोला बजिस्तान जि ल ल। फोराव बो फोसावदोंमोन। बेराफारसे, पाकिस्ताननि खोला बासआ ट्रेलारजों सोग्रावनायजों

नख'रसेनिनो सा 8 सोद्रोमाफोरजों लोगोसे सा 12 सुबुंफोरनि जिउ गोमायो। बासआव गाखोनाय दावबायारिफोर मोनसे जुलिनि हाबाफारिनिफ्राय फैफिनगसिनो दडमोन। बे जाथाया थानाय समबार हराव मरनि खाथियाव जायो। डिपुटी कामिसनार

अरसलान सालिमआ बेनि खौरों होदों। बे गरियाव गासै सा 20 सुबुंफोर दडमोन, जायफोरनि गेजेराव सा 12 सुबुंफोरनि जिउ गोमायो। बे जाथायाव सासे लाइमोन हिन्जावसाया गात्रियै जोखोम जादोंमोन आरो देहा फाहामसालियाव फाहामथाय लाबाय थानाय समाव जिउ नागारो। बेयाव सा 5 दावबायारिफोर गोब्राबै जोखोम जायो, जायफोरखौ साबसिन फाहामथायनि थाखाय नवाबशाह आरो कराचीयाव ट्रान्सफार हरो। बेयाव बासखौ सौख्खायनाय ट्रेलार सालायफ्राया जाथाय जानाय जायगानिफ्राय खारो। सुलुनि बायदिब्ला, पाकिस्तानाव सांग्रांथि गैयै गरि सालायनाय, गरिफोरनि गात्रि थासारि आरो लामा गात्रिनि जाहोनाव लामानि जाब्रवथाया सरसनस्त्रा बाश्रा।

बोथोर बिफानआ गोदान बोसोरनि बोथोरखौ लानानै सांग्रांथि फोसावदों

गोदान दिल्ली, 31 डिसेम्बर : गोदान बोसोरजों लोगोसे जोबोद गुसु बोथोर जागायबाय। जानुवारीनि गिबि सप्ताहआव मोननै हाजोफोराव सोनाबारि नारसिन्थाया फैसिगोन, जायजों मिनिमाम बिदुडाव गोखेंयै दावख्खायगोन। बेनि उनाव गासै हादतनि ब्रै बाहागोन 3 बाहागोफोराव गुसु बार बारनाया बांगोन। जम्मू-काश्मीरनिफ्राय लानानै पान्जाब, हरियाणा, दिल्ली आरो बिहार-झारखान्डसिम गुसुआ बांगोन। बेनि गोहोमखौ तेलेंगाना-महाराष्ट्रसिम नुनो मोनगोन। बे समाव सोनाब बेंगनि लैथोयावबो गहाइ नारसिन्थाइ ओन्सोल सोमजिगोन, जायजों बहाबा-बहाबा अखाबो हानो हागौ। बोथोरजों सोमोन्दो थानाय एजेन्सि स्काइमेटआ



फोरमायनाय बायदिब्ला प्रदेशआव जोबोद गुसुनि सिगाडाव जानुवारीनिफ्राय 6 गोहोमा गोमलेंगोन। बेजों 2 जानुवारीनि गेजेराव साहानि हाजोफोराव लानिन्थियै खेबनै सोनाबारि नारसिन्थाइ फैनायनि थासारि सोमजिखांबाय। बेजों हाजोफोराव 3-6 जानुवारीनि गेजेराव गोबां अखा हानो हागौ। बेनि सिगां सान्थामसिमाव अखानि गोहोमजों सा भारतनि राइज्योफोरनि मिनिमाम बिदुडाव दावख्खायनाय फौयो। पान्जाब, हरियाणा, दिल्ली आरो उत्तर

2025 आ जारिमिननि गरमसिन बोसोरफोराव थाफानो हागौ!



गोदान दिल्ली, 31 डिसेम्बर: 2024 आ जोबानानै 2025 आ फेनो हमबाय। बेरफारसे, 2025 आव बोथोर सोलायनायखौ लानानै मुलुग बोथोर बिगियान फसंथानआ सांग्रांथि फोसावदों। डब्लिउएमअआ सांग्रांथि होनाय बायदिब्ला, 2024 नि रिक्ड सिफायग्रा बिदुडा फेगौ बोसोरफोरावबो सोलिनाय बायदि सन्देह दड; जेराव ग्रीन हाउस गेस (जिएइसजि) नि लेभेलआ बांवावगोन, जायजों इयुनाव बांसिन गरम

सोमजिबावगोन। डब्लिउएमअनि बायदिब्ला, 2024 आ रिक्डयाव बयनिखुइ गरमसिन बोसोर जादों। बेरफारसे 2025 नि थाखाय बोथोर मावख'आ बेयो खेबथाम बयनिखुइ गरमसिन बोसोरफोरनि गेजेराव खेबसे जागोन होना बुदों। 2023 आरो 2024 नि बायदिनो 2025 यावबो गिखंथाव गरमजों मोगा-मोगि जानानो हागौ। बिसोरनि फोरमायनाय बायदिब्ला, रिक्डयाव टप

बयनिखुइ गरमसिन बोथोरा थानाय 10 बोसोरनि गेजेराव जादों, जेराव 2024 आबो दफायो आरो 2025 आव मा जागोन बेनि जेबो गेरैन्थि गैया। बेनि सोमोन्दै डब्लिउएमअनि गहाइ नेहाथारि सेलेस्टे साउलआ बुडोदि, गिबि बोसोराव लानिन्थियै क्लाइमेटखौ लानानै रेड एलार्ट फोसावदों। 2025 आव डब्लिउएमअनि 75 थि बोसोरनि सान, बेनि थाखाय जों दानिफ्रायनो मेसेज होयोदि, नोंथाडा मोनसे रैखाथि गोनां प्लेनेट लुबैयोब्ला, बेनि थाखाय दानिफ्रायनो एक्शन लानांगोन। बेयो बयनिबो बिबान लानिन्थियै बांनाय बिदुडा माखासे रोखोमनि थांखि लानायनि सांग्रांथि होयो। बे क्लाइमेट चेन्जखौ लानानै डब्लिउएमअआ लानिन्थियै थांखि लागासिनो दड होना गहाइ नेहाथारिया बुदों।

पाकिस्तानआव पलिय बेरामआ जोबस्राडाखै



पेशावर, 31 डिसेम्बर: पाकिस्तानआव फिन खेबसेबाव पलियनि मोनसे गोदान केस नुजाथिदों। गोदान केस नुजाथिनायनि उनाव बे बोसोराव गासै केसफोरनि अन्जिमाया 68 जायो। पलियनि केसआ पाकिस्ताननि थाखाय मोनसे गिदिर सेलेन्सिन खम नडा। हादतनि गहाइ देहा फाहामसालि

नेशनल इनस्टीटुट अफ हेन्थनि बायदिब्ला, गोदान इन्फेक्शनआ खेबर पखुन्खा ओन्सोलनि डेरा इस्माइल खान जिल्लायाव नुजाथियो। बे बोसोराव दासिमाव बलुसिस्तानाव 27, खेबर पखुन्खायाव सा 20, सिन्धआव 19, पान्जाब आरो इस्लामाबादनिक्राय 1-1 केस नुजाथियो। गहाइ मन्थि

शहबाज शरिफआ माखासे दान सिगां सावस्रियारि मावसुमाफोरजों लोगो हमदोंमोन आरो बुदोंमोनदि, बेयो रावबो गथ'फोरनि थिखानिफ्राय जानगाराव थानाडा। पलियआ मोनसे गिखंथाव बेमार, जायहा जेबो फाहामथाय गैया आरो टिकाआनो बेनि इन्फेक्शनखौ होबथानायनि मोनसेल' राहा। माखासे दान सिगां खेबर पखुन्खानि बजौर जिल्लायाव पलियनि मुसि दौनो थानाय मोनसे टिमनि सायाव फायरि खालामदोंमोन। बेयाव सासे बिबानगिरिनि जिउ गोमादोंमोन। पाकिस्तानाव माखासे औरैबायदि हान्जा दड; जाय पलिय हाबाफारिनि सुथुर जानानै दड। बेनि जाहोनाव पाकिस्तानाव दासिमबो पलियआ जोबना थाडाखै। पाकिस्तानाव माखासे सुबुंफोरा पलियनि मुलिखौ इस्लामजों सरजाबनानै नायो आरो गथ'फोरखौ पलिय'नि मुलि दौनायखौ होबथायो। थानाय 12 बोसोरनि गेजेराव पलिय' हाबाफारियाव सा 109 सुबुंफोरनि जिउ गोमायो।

थसे सिगारेटआ सुबुंनि जिउखौ 22 मिनिट खम खालामो



गोदान दिल्ली, 31 डिसेम्बर : सिगारेट सोबनाया देहानि एबा सावस्रिनि थाखाय जोबोद ख'हा गोनां जायो। सिगारेटजों लोब्बा गोनां सावस्रियारि अलखदफोरखौ लानानै बावैसो सिगां खालामनाय मोनसे रिसार्चआव गोमोथाव अन्जिमाया नुजाथिदों। इडनिभासिस्टिनि कलेज लन्डन (इडसिएल) नि नायबिजिनरनाय बायदिब्ला, थसे सिगारेट सोबनायजों हौवाफोरनि जिउनि आयुआ 17 मिनिट आरो आइजोफोरनि आयुआ 22 मिनिट खम जायो। बेनि सिगांबो सिगारेटखौ लानानै माखासे खेब स्टाडी खालामखांबाय, नाथाय बे खेबनि रिसार्चआ गिथावनासिन। मानोना बे खेबनि अन्जिमाया थानाय समनि हमदांनयनिफ्राय बांसिन, जेराव थसे सिगारेटजों जिउनि आयुआ 11 मिनिट खम जानायनि बाश्रा बुदोंमोन। इडसिएलनि नायसंगिरिफोर सिगारेट सोबग्राफोरनि बे गोरोन्थि हुदाखौ नागरानानै गोदान बोसोरखौ जागायनांगौ होना बुदों। मानोना नायबिजिनरनायनिफ्राय मिबथिनो हायोदि, सिगारेट सोबग्राफोरा सरसन्त्रायै गावसोरनि जिउनि गासै बोसोरफोरनि गेजेराव माखासे बोसोर खम खालामनानै लायो। नायबिजिनरनायाव बे बाश्रानि सायावबो नोजोर होनाय जायोदि, एभारेसखौ गं 20 सिगारेटनि पेटेकआ सासे सुबुंनि जिउखौ गासै 7 घन्टा खम खालामना होयो। इडसिएलनि प्रिन्सिपालआ बिनि सोमोन्दै बुडोदि, सरसन्त्रायै सुबुंफोरा सिगारेटखौ देहानि थाखाय ख'हा गोनां होना मिथिगौ। एभारेसयै जाय सिगारेट गाराखै बियो जिउनि गासै 10 बोसोरखौ खोमाना लागासिनो दं।

सार्बियाआव सानफ्रोमबो 15 मिनिट धर्ना सोलिबाय थायो

सर्बिया, 31 डिसेम्बर : इउरपीय हादत सार्बियाआ बे समाव खौराडाव सागलोबना दड, थानाय 2नभेम्बराव सानजौफुनि 11:52 रिगायाव बे हादतनि नैथि बयनिखुइ देरसिन सहर नभि सादआव थानाय रेलवे स्टेशननि मोनसे बाहागो (केनपि) आ बायग्रबदोंमोन। बै जाब्रबथाइयाव सा 15 सुबुंफोरनि जिउ गोमादोंमोन। बेनि उनाव बानायनाय हाबाफारियाव गडुबडु जानाय, गेना-खान्थि आरो सिस्टेमनि सांग्रांथि गैयैखौ लानानै सार्बियाआव सुबुंफोरा खुद्रिखाडो। बयनिखुइ सिगां बेलग्रेड इडनिभासिस्टिआव



फरायसाफोर बेंखौ हेंथा होनो जागायो आरो लासै लासै गासै हादतनि इडनिभासिस्टिफोराव बे धर्नाया गोसारो आरो आथिखालाव सरासन्त्रा

सुबुंफोराबो बेयाव सरजाबो। बे धर्नानि गेजेरजों आथिखालाव सार्बियानि लामाफोराव सानफ्रोमबो जायगानि सम बायदिथै सानजौफुनि 11:52

दाय गोनां सुबुंफोरखौ हमनो दाबि दैखदों आरो बानायग्रा बिफाननि मन्थिया बिबान एंग्लायनाडो। बेखौ लानानै दासिमाव सा 12 सुबुंफोरखौ ग्रेप्टारबो खालामबाय। बेनि गेजेरजों थानाय रबिबाखालि बेलग्रेडआव बावैसो बोसोरनि बयनिखुइ देरसिन धर्ना जायो। बेयाव 15 रोजा सुबुंफोर थैनायफोरखौ गोसो होना कन्डलेनेस खालामो। बिसोरनि आखायाव मबाइलनि फ्लास लाटि जलायदोंमोन। धर्ना होग्राफोरा गहायै सर्बियानि गहाइ मन्थि आरो नभिसादनि मेयारखौ बिबान एंग्लाय नांगौ होना दाबि दैखदों।

रिगायाव 15 मिनिटनि थाखाय हान्था-मेलया बन्द' जायो। बेयाव गरिफोरनि थांलाय-फैलाया थाबथायो। सरसन्त्रा सुबुंफोरा बे जाथायनि थाखाय


गोदान बोसोरनि गिबि सानाव मुलुगनि सुबुं अन्जिमायाबो रिक्ड बानायगोन



निउयर्क, 31 डिसेम्बर: 2024 माइथायाव मुलुगनि सुबुं अन्जिमायाव 7.10 कौटि बांनयाखौ नुनो मोन्दों आरो गोदान बोसोरनि गिबि सानाव सुबुं अन्जिमाया 809 कौटि जागोन। इउएस सेन्सास ब्युर'नि गेजेरजों समबारखालि फोसावनाय हमदांनयनि बायदिब्ला, 2024 आव 0.9 जौखोन्दो सुबुं अन्जिमा बांनया 2023 नि 7.50 कौटिनि रुनुनायाव इसे खमसिन। हमदांनय बायदिब्ला, जानुवारी 2025 आव मुलुगनाडैनो मोनफ्रोम सेकेन्डआव 4.2 जोनोम जानाय आरो 2.0 थैनो हागौ। 2024 आव आमेरिकानि सुबुं अन्जिमाया 26 लाख बांदों आरो गोदान बोसोरनि गिबि सानाव आमेरिकानि सुबुं अन्जिमाया 34.1 कौटि जागोन। जानुवारी 2025 नि गेजेरजों

आमेरिकायाव मोनफ्रोम 9 लेकेन्डआव सासे जोनोम जागोन आरो मोनफ्रोम 9.4 सेकेन्डआव सासे थैनो हागौ। अदेबानि हारिमयायारि दावबायारिफोरनि गेजेरजों आमेरिकायाव मोनफ्रोम 23.2 सेकेन्डआव सासे सुबुं बांगोन। जुदि जोनोम जानाय, थैनाय आरो दावबायारिफोरनि अन्जिमाखौ जथायो अब्ला आमेरिकानि सुबुं अन्जिमायाव मोनफ्रोम 21.2 सेकेन्डआव सासे सुबुं सरजाबफागोन। 2020 माइथायाव दासिम आमेरिकानि सुबुं अन्जिमाया गासै 97 लाख बांबाय आरो बेनि बारयनायनि हारआ 2.9 जौखोन्दो। बबेखानि 2010 माइथायाव बेयो 7.4 जौखोन्दो बारयदोंमोन। जाय 1930 निक्राय लानानै दासिम बयनिखुइ खमसिन जादों।

चन्द्रबाबु नाइडुआ हादतनि धोनिसिन गिबि मन्थि



गोदान दिल्ली, 31 डिसेम्बर : एस'सिएशन फर रिफर्मस एबा एडिआरआ मोनसे रिपर्ट फोसावनानै फोरमायोदि, हादतनि बयनिखुइ धोनिसिन सिएमआ चन्द्रबाबु नाइडु। रिपर्टनि बायदिब्ला, अन्ध्र प्रदेशनि सिएम एन चन्द्रबाबु नाइडुनियाव गासै 931 कौटि रानिखुइ बांसिन सम्पति दड। बेराफारसे, सोनाब बंगनि सिएम ममता बेनार्जीआ 15 लाख रानि सम्पतिजों

लोगोसे बयनिखुइ निखाउरिसिन गिबि मन्थि। गोदान बोसोरनि सिगां फोसावनाय बे रिपर्टआ बयखौबो गोमोहोदों। एस'सिएशन फर डेम'क्रेटिक रिफर्मसनि बे रिपर्टआव फोरमायनाय बायदिब्ला, राइज्यो बिधान सभाफोर आरो मिरुजों खुंजानाय राइज्योफोरनि साफ्रोम गिबि मन्थिनि एभारेस्ट सम्पतिआ गासै 52.59 कौटि रं। रिपर्टनि बायदिब्ला, जॉनि हादतआव भारतआव एनएनआइ 2023-24 नि थाखाय गासै 1,85,854 रंमोन। फारसेथिं सासे सिएमनि एभारेस्ट आयुआ गासै 13,64,310 रंनि खाथियाव, जाय भारतनि एभारेस्ट सासे सुबुंनि आयनिखुइ गासै 7.3 गुण बारा। एडिआरनि रिपर्टनिफ्राय मिबथिनो हायोदि, अरुणाचल प्रदेशनि सिएम पेमा खान्डुनि गासै 332 कौटि रानिखुइ बांसिन सम्पतिजों लोगोसे नैथि बयनिखुइ धोनिसिन गिबि मन्थि। बेरा फारसे, कर्नाटकनि सिएम सिद्धार्थमैयाआ बे फारिलाइयाव 3 थि थाखोयाव गोमलेंगौ। जायनि गासै सम्पतिआ 51 कौटि रानिखुइ बांसिन। बेनि अनगायैबो जम्मू-काश्मीरनि सिएम उमर आब्दुल्लाआ 55 लाख रानि सम्पतिजों लोगोसे बे फारिलाइयाव नैथि बयनिखुइ निखाउरिसिन सिएम। बे फारिलाइयाव पिनाराइन बिजयनआ 1.18 कौटि रानि सम्पतिजों लोगोसे थामथि नाम्बाराव दं।

मालद्वीबनि हेंथायै गेलेनो गोनां लोगोयारि मेचनि हान्जायाव सा-सान्जा राइज्योनिफ्राय सा 9 गेलेगिरिफोरा सायख' जादों

गोदान दिल्ली, 31 डिसेम्बर: फिफा हारिमायारि लोगोयारि मेचनि थाखाय भारतनि सा 23 सोद्रोमायारि हान्जायाव सा-सान्जा राइज्योनिफ्राय सा 9 आइजो गेलेगिरिफोरा जायगा मोन्दों। जेराव भारतआ बे लोगोयारि मेचआव मालद्वीबनि हेंथायै सेलेन्जआव ओंखारगोन। सा 9 गेलेगिरिफोरनि गेजेराव सिक्किमनि सिमरन गुरुंआ फरवार्ड गेलेगिरि महरै फोथारआव ओंखारगोन। जेराव मनिपुरनि गुबुन सा 8 गेलेगिरिफोरा फोथारआव रानसारनानै थागोन। गल किपिनि फारिआव मनिपुरनि जानानै हेमप्रिया सेराम आरो माइबां लिथिंगाम्बी देबिआ




बिबानआव थागोन। जेराव बे सिभानी देबिआ मिडफिल्डआव गोखोडै दिन्थिफुनो नाजागोन। बेरफार्से हिंदे किं आरो लाइन्डा कम्ब सेरथ'आ फरवार्ड लाइनआव सिमरन गुरुंजों लोगोआव थाफागोन। मख'नाय जायोदि, भारतनि सा 23 गेलेगिरिफोरनि गेजेराव लाइमोन आरो रोंगथि गोनां गेलेगिरिफोरखौ खाबु होनाय जादों। जेराव संगिताआ भारतनि जानानै गेलेनाय

बादिब्ला ग्रेस आरो पियारी सासाआ गोबां रोंगथि गोनां गेलेगिरि महरै हान्जानि देरहानायखौ रोखा खालामनो नाजागोन।

जेराव बे मेचआ बेंगालुरुआव थानाय पाडुकन द्राबिडु सेन्टरआव जागायबाय। जेराव बे मेचखौ अन्सायगिरिफोरा लाइभ स्ट्रिमिनि गेजेरजोंबो नायनो हागोन। मख'नाय जायोदि, भारतआ फिफा अमेन्स रेंकिंआव 69 थि मासिआव जायगा मोन्नाय महरै 163 मासिआव जायगा मोन्नाय मालद्वीभसनि हेंथायै गोलेयैनो देरहानाय थिसन्नो नाजागोन।

46 थि जुनियर-सिनियर एथलेटिक्स सेम्पियनसिपआव डिब्रुगडुआ गिबि सारिआव

डिब्रुगडु, 31 डिसेम्बर: डिब्रुगडुनि हान्जाया बावैसो जोबलानाय 46 थि जुनियर-सिनियर इन्टार डिस्ट्रिक्ट एथलेटिक्स सेम्पियनसिपआव मोजाडै दिन्थिफु'नायजों बयनिबो नोजोरखौ हान्जानि फार्से बोनो हादों। जेराव बे हान्जाया मरिगावआव थुंगेनाय बे सेम्पियनसिपआव साबसिन हान्जायारि बिमुंनि थाखाय



सायख'जादों। बे समाव इउएनआव गावसोरनि बेरफार्से आसाम पुलिस आरो डिब्रुगडुनि गेलेगिरिफोरा आगानखौ गोखोडै लाखिदों। शिबसागरआ बे फारिआव

फारियै नैथि आरो थामथि मासिआव जायगा मोन्दों। मख'नाय जायोदि, 46 थि जुनियर सिनियर इन्टार डिस्ट्रिक्ट एथलेटिक्स सेम्पियनसिप जोबनायजों लोगोसेनो जानो गोनां बे सेम्पियनसिपनि थावनिआबो सोराडाव फेदों। जेराव बे सेम्पियनसिपनि 47 थि बिसानआ धेमाजि जिल्लायाव खुंजागोन।

गहपुर आरो बजालीआ इन्टार डिस्ट्रिक्ट जुनियर भलिबल सेम्पियनसिपनि बिमुं देरहादों

गुवाहाटी, 31 डिसेम्बर: गहपुर आरो बजालीनि हान्जाया 58 थि अल आसाम इन्टार डिस्ट्रिक्ट जुनियर भलिबल सेम्पियनसिपआव मोजाडै दिन्थिफुदों। गहपुरआ हौवासा आरो बजालीआ हिन्जावसाफोरनि केटेगिरिआव बिमुंखौ देरहादों। गवालपाराआव जालानाय बे सेम्पियनसिपआव मोननैबो हान्जाया गोखौ दिन्थिफुनायजों अन्सायगिरिफोरनि गोसोखौ देरहादों। हौवासाफोरनि फाइनाल बादायनायाव गहपुरआ गुवाहाटीखौ 25-17, 25-19 आरो 26-24 स्करिआव फेजेन्दों। बेरफार्से बजालीआ हिन्जावसाफोरनि फाइनाल बादायनायाव मराननि सेलेन्जखौ गोलेयैनो बारनो हादों। जेराव बे हान्जाया बिमुंनि बादायनायाव 25-10, 25-16, 25-22 स्करिआव देरहादों। बे मेचनि उनाव गहपुरनि मौसुम बरा आरो बजालीनि जुनाली बर'आ गावसोरनि केटेगिरिआव साबसिन गेलेगिरि महरै सायख'जादों।



पालें मैंगंआ देहानि थाखाय मुलाम्फा गोनां

पालें मैंगंखौ गोबां गुन गोनां होन्नानै मिबथिनाय जायो। मानोना पालेंआ सुबुंफोरनि हिमालबिनखौ बांहोनो हायो आरो बेनि अनगायैबो पालें मैंगंआव गोबां गुनफोर दं। मिबथिनो मोन्नाय बायदिब्ला बेखौ दिहुन्नायनि मुडा स्पीनेसिया अलेरेसिया। 100 ग्राम पालें मैंगंआव 26 कि: ग्रा: आइरन केलरिनि गोहो, 2.0 जौखोन्दोनि प्रटिन, 2-5 जौखोन्दोनि कार्बहाइड्रेट, 92 जौखोन्दोनि नमी, 0.7 जौखोन्दोनि बसा, 0.7 जौखोन्दोनि



खनिज संखि आरो 0.6 जौखोन्दोनि रेसेफोर थायो। पालें मैंगंआव खनिज संखि बायदि केलसियाम आरो भिटाविन एबिसि बायदिफोरखौ गोबां बिबांआव मोन्नाय जायो। बे गुनफोरनि थाखायनो बेखौ लाइफ प्रटेक्टिभ फुड बुंनाय जायो। पालें बिलाइफोरनि रसखौ नरेंखलनि दैजों गलायना फु आरो मोनाबिलि समाव सानफ्रोमबो लोंबाय थायोब्ला बेजों अन्थाय जानायफोरा बाइजोयाव ओंखार बोयो। गोथां पालें मैंगेया जोबोद गुन गोनां जायो।

(1 बिलाइनिफ्राय)

(1 बिलाइनिफ्राय)

साहित्य अकाडेमि बर' एडभाइजारि बर्दनि लिंथुमगिरि तरेन बर'आ 2025 गोदान ...

आरो बिरेंदामिन सोलेंथाय आरो बादायलायनाय मुगायाव गोदान जोलैया जिउ खानायनि बिथिडव गोबां जुजिनयजों मोगा-मोगि जानादों। राजखान्थिनि बिथिडवबो गोबां सोलायनाय लाबोदों। बेनि थाखायनो गोजाम बोसोरखौ बावगारनानै मोनसे गोदान मिजिजों बयबो सिगांबोने खामानि हारिमुखौ गोखौ खालामनो सम सौफेदों। रदाब बिबुंसारव मख'बावदोंदि, इंगजी गोदान बोसोर समाजनि गासैबो थाखोनि सुबुंफोरनि गेजेराव गोजोन खौसैथि लाखिनानै गात्रि गोहोमखौ जाहाथे फोजोबस्राडे बेनि थाखाय खोसैथे खामानि मावनांगोन। बे गोदान बोसोर मोजां सान्नाय-हनयखौ सोरजिनो हाथों। गोदान जोलैनि गेजेराव गोजोन खोसैथि लाबोनानै दरसे भारत आरो आसाम सोरजिनयाव नांथाबनो हांखायहदों। लोगोसेनो बयनिसिमबो इंगजी गोदान बोसोरनि गाहाम हामलायनाय बाउहरदों।

चकलेट आबाद मावनायजों बारग' केएलअनि ..

कक्राझार जिल्लानि सालाकाटि उक्रा पुलिस बादानि सिडव थानाय सिमलागुरि गामिनि थागिरि नब' रायआ हिरक ज्यति प्रधानी आरो भिस्म सरकारनि हेफाजाबाव गवालपारनि रंजुलिनिफ्राय फुलिफोरखौ लाबोनानै गायफेदोंमोन। आथिखालाव गायफेनाय चकलेट बिफांफोरा लासे लासे गेदेत जानायजों लोगोसेनो फिथाइ थायनायाव सानफ्रोमबो 30-35 फिथाइफोरखौ फानो। थाइफ्रोमबो फिथाइखौ 20 राडे फानो हादों। नब' रायआ बुंदोंदि, चकलेट फिथाइफोरखौ फानो थाखाय हाथायाव थानो गोनां जाया। न'निफ्रायनो फालागिरिफोरा लानानै थाहो। फारसेथिं गावनि ओरेंनो गोलेनानै थानाय 4 बिथा हायाव आरोबाव चकलेटनि फुलि गायनो थांखि लानायनि बाध्राखौ खौरं बिजोडव नब' रायआ फोरमायना होदों।

मानास माहारियारि पार्कआव दावबायारि-लावखार ओंखाम जाग्राफोरनि होंगो-.....

थावनि वाल्ड हेरिटेज साइट मानास माहारियारि पार्कआवबो दावबायारि आरो लावखार ओंखाम जाग्राफोरनि होंगो-दोंगो जाफैनायखौ नुनो मोन्नाय जादों। मिथिंगायारि सोरजिथाय मानासआव हादतआरि आरो गुबुन हादतआरिनि दावबायारिफोरा दावबायफेदों। मानासनि मिथिंगायारि आबहावा, गुबुन गुबुन जिब-जुनातफोरजों लोगोसे मिथिंगायारि समाइना नुथाया दावबायारिफोरनि गोसोखौ बोनो हादों। लोगोसेनो दावबायारिफोरखौ जीप शाफारी, मैदेर शाफारी, राफिट खालामनायखौबो नुनो मोन्नाय जादों। दिनें बोसोरनि जोबथा सानाव मानासनि बासबारि हाग्रा ओन्सोलनि गाहाइ हाब्रगा गेटआव रंजा-गोजोन थासारिखौ नुनो मोन्नाय जादों। मिथिंगाखौ नख'रजों लोगोसे सानसे सम बारहोनो थाखाय मानासआव राइज्योनि गुबुन गुबुन ओन्सोलनि दावबायारिफोरनि हान्जाया दावबायफेदों। दिनेंनि सानाव मानासनि गंग्रोमबो रिजर्ट, लड्ज, हम्स्टेफोरव हाउसफुल जानायखौबो नुनो मोन्नाय जायो। मख'नो गोनान्दि, बावेसोयाव मानास माहारियारि पार्कआव गुबुन गुबुन जिब-जुनातजों लोगोसे हादतनि आरो गुबुन हादतनि दावबायारिफोरा दावबायफेदों।

(1 बिलाइनिफ्राय) इंराजि गोदान बोसोरनि मुडै गिबि मन्थि उ शर्माआ गाहाम हामब्लायथि जासिहरदों

आरो गोग्गाथाव जारिमिनजों बुंफबनाय राइज्योनि राइजो-राजाफोरनि गेजेराव खौसैथिनि जिनत्रिखौ गोखोसिन खालामगोन। गोदान बोसोरनि गोथार बुब्लियाव रंखांथि-समाजारि जौगानाय आरो दावगानायनि मोनसे गोदान सोरसिम राइज्योखौ लानायनि बिथिडव बांसिन बिबान गोनां महरै गाव-गावनि कर्मयज्ञआव थिसन्नो राइजो-राजाफोरखौ गिबि मन्थिआ खावलायहरो।

एबसुआ इंराजि गोदान बोसोर 2025 माइथायनि गाहाम हामब्लायथि बाउहरदों

सोलेंथाइनि जांखिखानाय'' आरो बर' हारिखौ बड'फा उपेन्द्रनाथ ब्रह्म बिथांआ गेरमसा हारि महरै गायसन्नो लानाय सिमांखौ मोगथांआव जाफुंसार होनो आजावनाय ''बड'फा गोजोरथियारि सोलायनायनि मावथांखि' खौ आबुडै जाफुंसार होनायाव बयखोबो हेफाजाब आरो सुबुन होगोन होन्नानै मिजिंथियो। फे जों गोदान बोसोरव गोदान मिजिं आरो गोदान थांखिजों गोजोन आरो खौसैथिखौ गायसन्नानै जौगालु समाज सोरजनि।

बाक्सानि माखासे लाइमोनफोरा भुटाननि नारें कमलानि गेदेत फालांगि खालामदों

फालांगियाव ओंखारदों। भारत-भुटान सिमना ओन्सोलनि दावधारा ओन्सोलनि सा 100 निखुइ बांसिन लाइमोनफोरा नारें कमलानि फालांगि मावनायखौ सायख'ना लादों। न'सुंसेनि हादत भुटानआव बांसिनथारि दिहुनजानाय नारें कमलानि फालांगिजों गावखौनो गसंथाहोनायजों लोगोसे नख'रखौ खाबोदों। भुटाननि नामलानिफ्राय नारें कमलाखौ बायनानै राइज्योआव गेदेत फालांगि खालामबोदों सोलेंथाय गोनां सेंग्राफोरा। दावधाराफ्राय नारें कमलाखौ राइज्योजों लोगोसे गुबुन राइज्योसिम दावधारा ओन्सोलनि लाइमोनफोरा दैथायहरो। गोजां बोथोर समाव 3-4 दाननाडै नारें कमलानि फालांगिया सोलिबाय थायो। गुवाहाटी, नलबारि, बरपेट, कक्राझारजों लोगोसे कलकातासिम बाक्सानि लाइमोन फालांगिरिफोरा नारें कमलाखौ दैथायहरो। नाथाय थानाय बोसोरनि रुजुनायाव बे खेबाव फालांगिया खाबु गोनां जायाखे होन्ना सुलुडाव फोरमायना होदों।

गसाइगावआव उ दिनेश दासनि राव सोलायनाय खन्थाइ बिजाब बेखेवदों

दिनेस दासआ। कक्राझार जिल्लानि गसाइगाव महकुमा सदर सहरनि गसाइगाव प्रेस क्लाबाव दिनें बेलासियाव खुंनाय बिजाब बेखेवनाय हाबाफारियाव उ दिनेश दासनि राव सोलायनाय खन्थाइ बिजाब 'बेलि उथा आकाश' खौ बेखेवनाय होयो गागि लिगिरि, थुनलाइगिरि, खौरंगिरि आरो गसाइगाव स्वर्नदल दालाइ साहित्य सभानि आफादगिरि खनिन्द्र नाथ दासआ। मुलुगनि सा 5 नबेल बान्था मोनगिरि खन्थाइगिरिफोरनि खन्थाइखौ असमीया रावआव सोलायनाया मोनसे साहज गोनां खामानि होन्ना फोरमायो खनिन्द्र नाथ दासआ। खन्थाइ बिजाबखौ बेखेवनाय थुनलाइगिरिआ रबिन्द्र नाथ ठाकुरनि अराय गोथां खन्थाइ गितान्जलीनि अनगायैबो राइज्यो, हादत आरो मुलुगनि गोबां खन्थाइ-थुनलाइगिरिफोरनि लिरीथि बायदिजों रुजुनानै बेसेन गोसा बिबुंथि होयो। आसाम साहित्य सभानि गसाइगाव स्वर्नदल दालाइ साहित्य सभानि बान्जायनायाव आरो गसाइगाव प्रेस क्लाबनि हेफाजाबाव खुंनाय बिजाब बेखेवनाय हाबाफारिखौ आफादगिरि मासि लानानै दैदोनो आजिरा मोन्नाय जिल्ला बेंगिरिआबुदुर रहिम शेखआ। खौरंगिरि शंकर चौधुरिआ आलासि सिनायथि होनायखौ दैदनाय हाबाफारियाव थुनलाइगिरि आरो महकुमा जुनात फाहामथाय बिबानगिरि तरनि कान्त कलिता, गसाइगाव दालाइ सत्रनि बोसोनगिरि आरो लिरीगिरि मानिक चन्द्र डेका, कमलाथ क्लाबनि आफादगिरि आरो फावथायनि महरिगिरि पुतुल चन्द्र दास, सालबागान जुनियर फरायसालिमानि बिबुंथिगिरि आबुदुल उवाहाब, गसाइगाव फरायसालिमानि राजखान्थि बिबाननि बिबानगिरि प्रफेसार प्रदिप कुमार दास, समाज सिबियारि बिनद प्रसाद, खौरंगिरि हाफिजुर रहमान मोनहाबो थुनलाइगिरि उ दिनेश दासनि बाउसोमनाय आरो सोर्जिलु हाबानि सायाव बिबुंथि होयो। बेनि अनगायैबो गोरयुंआ सोलेंथाइ, हारिमुजों लोगोसे समाजारि बिथिडव बिबान गोनां महरै सिबिथाय होनाय बायदि गुबुन गुबुन बिथिंखौ दिन्थिनानै बिबुंथि होग्राफोरा बिथांखौ थुलुंगा होनाय आरो बिथांनि आदर्शजों थुलुगाखोनो खावलायो। बे हाबाफारियाव नबेल बान्था मोन्नो हानाय मुलुगनि सा 5 खन्थाइगिरिफोरनि मोनबा खन्थाइखौ असमीया रावआव राव सोलायनानै बिजाब फरायग्राफोरनो होनाय बहाइगाव फरायसालिमानि गोरयुं उ दिनेश दासआ खन्थाइ बिजाब दिहुननायनि आन्दोयाव थानाय गावनि मोन्दांथिखौ फोरमायनानै बिजाब फरायग्रा समाजा खन्थाइ बिजाबखौ बजबनानै लागोन होन्ना मिजिंथिनाय फोरमायो। लोगोसे फेगो गोदान बोसोरव आरो गानै बिजाब दिहुननायनि राहा खालामदों होन्नानै बिथाड मिथिहोयो। बिजाब बेखेवनाय हाबाफारियाव महकुमानि गोबां खन्थाइगिरि, लिरीगिरि, थुनलाइगिरि, महरिगिरि, सोलेंथाइगिरिफोरनि अनगायैबो गुबु गोबां समाजारि आफादफोरनि बिबानगिरिफोरा बाहागो लायो।

उदालगुरि जिल्ला बेंगिरिनि दैदनायाव सुबुं खुंथाय सान फालिनायनि सायाव जर'खा ...

लानायनि उनाव जिल्ला बेंगिरि पुलक पाटगिरिआ सुबुं खुंथाय साननि मोनसे समायना हाबाफारि दिहुनो बिथोन होयो। बे बायदिनो माहारियारि फिर्फपला बिरहोनायनिफ्राय जागायजेन्नानै गाहाइ आलासिनि बिबुंथि, फलेग मार्च, गुबुन गुबुन रोखोमनि बादायलायनाय, हारिमुवारि आरो हादत अन्नाय हाबाफारि, फिथाइ-सामथाय रन्नाय, गुबुन गुबुन बिफानफोरनि जर'खा खामानिनि दिन्थिफुनाय बायदि मोनसे नोजोर बोथाव हाबाफारि दिहुननाय जायो।

बिटिसिनि गासैबो बिथिडाव इउपिपिएलआ फेलें जादों: हाग्रामा महिलारी

कौटि रं बाहायो। जौनि सरकार फैब्ला बेफोरखौ नायबिजिरगोन। लोगो बिथाड 2025 माइथायाव बिपिएफनि सरकार दाफुंनाया रोखा होन्नानै बुडे। बिपिएफनि बारग' लेडइ गाहाइ खुंगिरि खाम्फा बरायारीनि दोलो नागरनायखौ लानानै सोलिबाय थानाय सावरयनायनि सोमोन्दे हाग्रामा महिलारीआ बुडेदि, बिथाड जेरावबो थाडाखे, बिपिएफ दोलोयावनो दं। गुबुन फार्सेथिं, गिबि मन्थिजों हाग्रामा महिलारीनि इसिडरि बुजिलायनाय दं नामा होन्ना खौरंगिरिया सौथि सौनायनि फिनायाव महिलारीआ बुडेदि, हिमन्त बिश्व शर्माजों बिथाड जेबो इसिडरि बुजिलायनाय गैया। बिपिएफ दोलोया हारसिडेनो बिसायख'थि गेलेगोन आरो बिजेपि-इउपिपिएल मोननैबो दोलोन सोलायै बांसिन मासि देरहागोन होन्नानै हाग्रामा महिलारीआ बुडे।

गाहाइ फोरोंगिरिनि नाजानायाव गंसे सरकारि ...

फोरोंगिरिनि गोखों नाजाथाबनायाव ओन्सोलाव आदर्श दिन्थिनो हादों। फरायसालिया जादों कक्राझार सोलेंथाइ खोन्दोनि सिडव थानाय 814 नं सेदामारि युदि फरायसालि। सोलेंथाइनि फार्से गोसो हैये गामिनि फरायसालियाव 2014 माइथायाव फोरोंगिरि महरै कृष्ण कान्त दास मुनि सासे लाइमोन थिसन्थाय लाफैयो। फरायसालिनिफ्राय फोरोंगिरिनि जोनोम गामिया 7/8 किल 'मिटर गोजानावब्लाबो 150 किल 'मिटर गोजानाव थानाय बरपेटनि साहा फार्से थानाय भुटान हाजोनि आफाडव धनबिल मुनि जायगायाव गेदेर-गोलाव जायो आरो सोलेंथाइ लायो। जोबधारासायाव गावनि जोनोम गामियाव बे फरायसालियाव साखि जिउआ जागायजेनो। जोबधारासायाव लामाजों आगन सुरनाय बे फरायसालियाव थिसन्थाय लानानै बिथाड बे फरायसालिखौ ओन्सोलनि गेजेरावनो गंसे सिगां सारिनि फरायसालि महरै दाफुंनो समाय लादोंमोन। सोलेंथाइ मन्दिर महरै फरायसालिनि जौगाथायनि थाखाय सान-हर, बन्दनि समावबो खाबु मोनब्ला सोलेंथाइ जौगाथाय, फरायसालिनि सोरगिदिं साखोन-सिखोन खालामनाय, फिथाइ-सामथाइ, बिबार बायदिनि बिफां गायनाय, रैखार्थिनि थाखाय बेरा होनाय बायदि खामानियाव गोखोडे नांथाबदोंमोन। बेनि अनगायैबो फरायसाफोरनि देहायारि, मेलेमारि जौगाथायनि थाखाय ओन्सोलनि राइजो-राजा आरो आलासिफोरखौ हांखायहरनानै गुबुन गुबुन रोखोमनि हाबाफारि खुंबोदों। दासान्दि सिगां सारिनि फरायसालि महरै गोग्गानाय लाबोनो हानाय फरायसालिया जिल्ला, राइज्योयावल' थाद'या लासेनो हारिमायारि हिउमेन राइडसनिफ्रायबो बान्था मोनो हादों। दासान्दि गोलो सोलेंथाइनि आबहावा सोरजिनो हानाय फरायसालियाव ओन्सोलनि फरायसाफोरनि मुंथिसन्नो दिथागिरिफोरा होंगो-दोंगो खालामनायखौ नुनो मोन्नाय जादों।

गाहाम देहानि राहा

गाजरआ माखासे बेरामफोरनि थाखाय मुलाम्फा गोनां

गोजां बोथोराव गाजरखौ गोबां मोननाय जायो। बे बोथोराव गाजरखौ सालाद, सुप, पुडि, मैंग-थाइंग आरो रोसि महैर बाहायो। गाजरआव थानाय बिटा-केरटीन आरो फाइबरआ सावस्त्रियाव मुलाम्फा होयो। गाजरआव भिटासिन ए, भिटासिन सि, भिटासिन के, भिटासिन बि 8, फलेट, पटेशियाम, आयरन, जिंक आरो मेगनीजबो थायो, जाय देहाखौ मोजाडै लाखियो। गाजरनि गोहोमा आवुडै गरमबो नड आरो आवुडैगुसुबो नड। थामहिनबा बेयो मोनैबो गोहोमगोनां रोखोमसे मैंग। गाजरआ एसे गोदँ आरो गुसु महरनि, बबेखानि गाजरआ मुलानिफ्राय एसे गोथावसिन जायो। बेयाव गोबां रोखोमनि खनिजफोर आरो भिटासिनफोर थायो, जाय गोबां बेरामफोरखौ देहानिफ्राय गोजानाव लाखियो। गाहायाव होनाय जेनाफोराव गाजर जानाया मुलाम्फा गोनां-



1. केन्सार होबथानाय: गाजरआव थानाय बीटा-केरटीनइडआ बायदि रोखोमनि केन्सारजो जुजिनायाव मदत खालामो। बिटा-केरटीन जानाया कलन केन्सारनि

2. मेगननि थाखाय मोजां: भिटासिन-एनि आंखालआ मेगननि फट 'रिसेप्टरफोरनि बायजोआरि बाहागोफोरखौ खहा खालामो आरो मेगनखौ बिबानि बीटा-केरटीन थायो आरो बेयो भिटासिन-एनि आंखालखौ फोजोबनायाव मदत खालामो।

3. दाइबेटिस बेरामिनि थाखाय: टाइप-2 दाइबेटिस बेरामजो नाखेबजानाय बेरामिफोरा गाजर जानांगौ। बेयाव थानाय बीटा-केरटीन आरो केरटीनइडफोरा देहाजो बाहायजानाय आरो मेटाबलाइज खालामजानाय इन्सुलिन आरो ग्लुकजनि बिबांखौ सामलायनायाव मदत खालामो।

4. डाइजेसनआव मुलाम्फा गोनां: गाजरआव गोबां बिबानि

फाइबर मोननाय जायो, जाय जाग्रा आदारनि खांस्थिखौ साबसिन खालामो। फाइबरआ पेरिस्टाल्टिक गोखैथि आरो गेस्ट्रिक रोसिनि जेनाखौबो फोजोबो।

5. इम्युन सिस्टेमखौ बांहोयो: गाजरआ भिटासिन-सिजो बुंफननाय, जाय गुफुर थै जिबखिफोरखौ बांहोनायाव मदत होयो। बेनि अनगायैबो, गाजरआव गोबां एन्टीसेप्टिक आरो एन्टीबेक्टीरियल गुनफोरबो थायो, जाय जौनि इम्युन सिस्टेमखौ गोखौ खालामनायाव मदत खालामो।

6. बिगुरनि थाखाय मुलाम्फा गोनां: गाजरआव एन्टीसेप्टिक गुनफोर थायो। गाजरनि बिदैया गोरान बिगुरनि थाखाय मोजां, मानोना बेयो बिगुरखौ गुरेखालामो। गाजरनि रोसिया उदँ आरो गेस्ट्रन्टेस्टाइनल सावस्त्रिखौबो साबसिन खालामो।

सनु सुदनि 'फतेह' सावथुनखौ 10 जानुवारियाव सिनेमा हलफोराव नुनो मोनगोन

सनु सुदनि मच आपडेट सावथुन साइबर-थ्रिलर 'फतेह' आ आथिखालाव जोबोद खौराडाव थादों। बे सावथुना 10 जानुवारीखालि सिनेमाहलफोराव लिस्जि जागोन। थानाय सानफोराव 'फतेह' सावथुननि ट्रेलारखौ फोसावनाय जादोंमोन, जेराव सनु सुदखौ एक्शन मडआव नुनो मोन्दों आरो जेरावबो गोसारदों। सनु सुदनि अन्सायगिरिफोरा 'फतेह' नि रिलिज जानायखौ लोगो गुडुडे नेनानै दड। दासिमाव बे सावथुननि मोनथाम मेथाइफोराबो लिस्जि जाबाय आरो बे मेथाइफोरा नायगिरिफोरनिफ्राय जोबोद मोजां अन्सायनाय मोन्दों। नाथाय आथिखालाव फाफोमबो जाय खौराड थादों



फैनायनि उनाव सुरज जुमानोआ जोबोद खौराडाव थादों। चेन्नाइनि थागिबि सुरज जुमानोआ एमबिएनि उनाव सावथुनफोराव आगान होदों। 'फतेह' सावथुनाव सासे हाइटेक क्रि मिनेलनि फावजो नायगिरिफोरखौ गोजोन होनो आरो सनु सुदजो लोब्बा लानो थाखाय थियारि जादों। सावथुनाव बिथाड सासे गिदिर साइबर फ्रडनि फावआव नुजाथिगोन। बेनि सिगां सुरजआ आइ लाभ दुबाइ, आइ लाभ दुबाइ 2.0 आरो कलि तेरि बायदि प्रजेक्टफोरबो बाहागो लाखांबा।

बेयो जादों 'फतेह' सावथुननि हाइटेक भिलेन, जाय बे सावथुनाव सनु सुदनि अपजितआव नुजाथिगोन। थानाय माखासे सानफोराव ओरैबायदि फावखुंगुरफोर दंमोन, जायफोर भिलेन जानाँ सावथुन मुलुगआव गोदानै आगान होदों। बेनि गेजेरावबो

फतेहनि भिलेनआबो खौराडाव थादों। सशोल मिडियाआव 'फतेह' सावथुननि पस्टरआ गोखैथै भाइरेल जागासिनो दड; जेराव सनु सुदआ भिलेनखौ हाथुपजो बोनाय नुनो मोन्दों। 'फतेह' सावथुननि बे हाइटेक भिलेनआ सुरज जुमाना, जायखौ सावथुनाव सनु सुदजो

अपजितआव नुनो मोनगोन आरो बेजो लोगोसे माइन्ड गेम गेलेनायबो नुनो मोनगोन। सावथुननि पस्टरआ सोराडाव

स्कुइड गेम सिजन 2 आ गासै 93 हादतफोराव जयै फोसाव जादों



साउथ करियान स्व' स्कुइड गेमआ सिजन 1 नि उनाव 'सिजन 2' आ अटिटि प्लेटफर्मआव दोहो सोमजि होगासिनो दं। बे स्व'आव डिसेम्बरखालि नेटफिलक्सआव स्ट्रिम जादों, जायखौ नायनो थाखाय सुबुंफोरा जोबोद एक्सआइटेड जादोंमोन आरो बे स्व'आ फैनाय लोगो लोगोनो गावनि मुंखौ ओरैबायदि रिर्कड बानायदों, जाय दासिमाव रावनिबो स्वनि मुंआ गेफेरमोन। गिबि सिजनआ नेटफिलक्सआव बयजोबो बांसिन नायजानाय सिस्जिमोन आरो नैथि सिजनआ बेनिफ्राय नै गुण बारा आगान आवगायलादों। फर्बसनि सुलुनि बायदिदिला, नेटफिलक्सआव रिलिज जानाय 'स्कुइड गेम'नि नैथि सिजनआ 93 हादतफोराव जयै रिलिज जादों आरो गासै हादतआवबो नाम्बरा 1 आव जायगा आवग्रिनो हादों। बे हादतफोराव इउएस, साइप्रसनिफ्राय हंडुरस आरो केन्यानिफ्राय लानानै थाइलेन्डआबो दंफायो। सुलुनि बायदिदिला बे स्व'नि गिबि सिजननि भिउअसरशिपआ नायनो गोनांमोन एबा गोबांमोन। बेनि भिउअसआ 265.2 मिलियनमोन। बेयो नेटफिलक्सनि टप-10 स्व'आव दंफायो। नैथि सिजनखौ घन्टाफोमआवबो 2.2 बिलियन सुबुंफोरा नायदों आरो बेनि रिर्कडखौ 'सिजन 2' आ थाबैनो ब्रेक खालामगोन। नैथि सिजनआव लिज जेआ फिन खनसेबाव अं गि हुनि फावआव नुजाफैफिनगोन। गेलेगिरि अन्जिमा 456 नि थांखिखौ बे खेबाव बे गिथावना गेमखौ जेब्लोबोनि थाखाय फोजोबनाय। जायनि थाखाय बिथांआ फिन खनसेबाव रेड लाइट आरो ग्रिन लाइट बायदि गोदान गिरुंथाव सेलेन्सफोरजो मोगा-मोगि जानांगोन। बेनि अनगायै, बिथांआ फ्रन्ट मेनिन बेरेखायै खमलायनो थांगोन। बे खेबावबो देरहागिरि कन्टेस्टेन्सोनो प्राइज मानि 45.6 बिलियन होनाय जागोन।

फावखुंग्रि तनाज इरानीआ गावनि जिउनि गाजिसिन समखौ शेयार खालामदों



'कहो ना प्यार है' सावथुननिफ्राय डेब्यु खालामनाय तनाज इरानीआ गावनि हेल्थ चेलेंसनि सोमोन्दै मिबथि होदों। बिथाड माबोरै हुयेलचेयारनि गोनांथि जादों बेखौबो फोरमायदों। बिग बस 3 आवबो नुजाथिनाय तनाज इरानीआ बावैसो इन्टरभिउआव गावनि बयनिखुइ गाजिसिन समनि सोमोन्दै मिबथि होयो। बिथांनि देहाय ओरैबायदि गाजि जादोंमोन बिथाडा व्हिलचेयारआव थानो गोनां जादोंमोन। बेफोर जेनानिफ्राय बिथाड माबोरै रैखा मोनखो बेखौबो बिथाड मिबथि होदों। तनाज इरानीआ मिबथि होयोदि, 2021 माइथायाव बिथांनि थाबायनायाव जेना जादोंमोन।

थानाय गासै टेस्टखौ खालामनायनि उनाव मिबथिनो मोनोदि बिखुं गेजेरनि हाराया जेना दड। बेनि उनाव 3 दानसिम फाहामथाय लानाया सोलियो, अब्लासो इसे मोजाडाव फेयो। नाथाय आं आथिडाव गसंना थानो हायाखैमोन। बिथांनि हेल्थ इशुफोर अब्लाबो मोजां जायाखै। बिथांखौ डक्टरआ उनाव एमआरए खालामनो थिनो। मानोना बिथाड हान्यु खरायनाय आरो गसंनायाव जेना जाबाय थादोंमोन। बेनिखायनो बिथाड हुयेलचेयारआव जिगयनो गोनां जायो। बेनि जाहोनावनो बिथाड बायजोआव थांलाय-फैलाय खालामनो हायाखैमोन। गोबां सानायनि मुलिबो जादों। बबेखानि उनाव 52 बोसोर बैसोनि तनाज इरानीआ हिप सार्जरी खालामजायो। फावखुंग्रिया जेब्ला गिबि खेब सार्जरीनि उनाव गसंनो हायो अब्ला बिथाड गोबां गाबनो हददोंमोन। बिथांनि बे दावबायनाया साफ्रोमखौबो इन्सपायार खालामो।

'स्कवाइड गेम 2' वेब सिस्जिआ रिलिज जानाय लोगो लोगोनो मुलुगनाडैनो दोहो सोमजि खादों

नेटफिलक्सनि स्कवाइड गेमआ गावनि मचआपडेट सिजन 2 जो लोगोसे फिन फैफिन्दों आरो बेयो सिगांनिफ्रायनो जास्मिन सोरजिगासिनो दड। जेराव सिजन 1 आ दासिमनि

बयनिखुइबो बांसिन नायजानाय महैर नेटफिलक्स सिस्जिआव जायगा बानायनो हादों आरो सिजन 2 आ गासै 93 हादतफोराव नम्बर-1 आव डेब्यु खालामनो हानाय गिबि सिस्जि जानानै आरोबाव



आगानसे दावखोनो हादों। आमेरिकानिफ्राय लानानै भारत, इउके, अमान आरो ताइलेन्डसिम स्कवाइड गेम सिजन 2 आ मुलुगनाडैनो गावनि फारसे नोजोर बोनो हादों। बेयो अफेलेबल सिस्जिनि वाल्डबाइड एपिलखौबो सोराडाव लाबोयो। गावनि सिगांनि सिजननिखुइ आलादा जायखौ वाल्डबाइडआ गावनि फेन बेस मोननायाव माखासे सप्ताहसो नांदोंमोन। गोदान सिजनआ थाबैनो गासै मुलुगानो

बाखाय जादों। स्कवाइड गेमनि पपुलेरिटीआ नेटफिलक्सआव स्ट्रेन्जार थिंगस आरो वेडेनेसडे बायदि स्व'नि पपुलेरिटीखौबो उन खालामनो हादों। नेटफिलक्सआ दासिमबो सिजन 2 नि थाखाय अफिशिएल नम्बर रिलिज खालामाखै। सिजननि जागायजेननायनिफ्रायनो गोबां अन्सायगिरिफोरनि लोब्बा थानायखौ नोजोर मोनो। स्कवाइड गेम सिजन 1 आ गोमोथावना 2.2

बिलियन घन्टा नायजादों। 265.2 मिलियनजो लोगोसे रिर्कड बानायदोंमोन। बे खेबाव बाडाइ एपिसडजो लोगोसेबो सिजन 2 आव गिबि सिजननि 9 नि रुजुनायाव मोन 7 आ दंफायो। बबेखानि माखासे सुबुंफोरनि मोन्दानाय बायदिदिला बेयो सिगांनि रिर्कडखौ सेलेन्स होनो हागौ। बाडाइ रानटइमखौ गासै लग खालामनाय घन्टासिमनि बिथिडाव बेनि बेरेखायै खामानि मावनो हागौ।

आयुष्मान खुराना आरो रश्मिका मन्दानाआ गिबि खेब जयै मोनसे सावथुनाव नुजाथिगोन



फावखुंगुर आयुष्मान खुराना आरो रश्मिका मन्दानाआ गिबि खेब जयै 'थामा' सावथुनाव खामानि मावगोन। रश्मिका मन्दानाआ 30 डिसेम्बरखालि सेटनिफ्राय मोनसे समाइना भिडिअ शेयार खालामदों। बिथांमोनहा अन्सायगिरिफोरखौ 'थामा-केदार हलिडे' आरो 2025 माइथाय बोसोर गोदाननि गाहाम हामलायथि होदों। बिथांमोनहा पस्टनि केप्सनआव लिरोदि, 'आसा खालामोदि, नोथांमोनहा थामा-के-दार हलिडे फालिगासिनो दड जानांगौ।' बे

पस्टरआ सावथुननि अफिशिएल एनाउन्समेन्टनि उनाव फेदों। हरर कमिडि इडनिभासआव बाहागो लाफैनायनि गावनि खुसिखौ शेयार खालामनानै फावखुंगुरआ सिगांनि मोनसे प्रेस नटआव बुंदोंमोनदि, आं जोबोद एक्सआइटेड दिनेश भिजनआ सानोदि बेयो आंनि थाखाय 'थामा' नि महाराव ब्लकबास्टर हरर कमिडि इडनिभासआव एन्ट्रि लानायनि जोबोद मोजां सम। हिन्दी सिनेमानि जास्मिननाव 'सि 2' नि दासिमनि बयनिखुइ देरसिन बलिउड सावथुन जानायनि उनाव आं बे

इडनिभासनि बाहागो जानो मोनानै गोजोन्नाय मोन्दों मानोना बेयो आवगाय लांगासिनो दड आरो नायगिरिफोरनो मोनसे बे बायदिनो एक्सपिरिएन्स होनांगौखौबो मोन्दोथियो, जयखौ बिथांमोनहा फेनो गोनां बोसोरसिम गोसोआव लाखिगोन। मुनज्या फे म डायरेक्टर आदित्य सरपतदारआ बे सावथुनखौ डायरेक्ट खालामदों, अदेबानि दिनेश विजन आरो अमर कौशिकआ 'थामा' नि प्रडिउसार। सावथुनखौ निरेन भट्ट, सुरेश मैथ्यु आरो अरुण फुलाराआ लिस्जि। मेडाक फिल्मनि बे सावथुना 2025 नि दिवालीआव सिनेमाहलफोराव रिलिज जागोन आरो बे सावथुनाव परेश रावल आरो नवाजुदिन सिद्दिकिखौबो नुनो मोनगोन।

2020 माइथाया असमिया सिनेमानि थाखाय मोनसे गेम चेन्जिं बोसोरमोन

2024 माइथाया असमिया सिनेमानि थाखाय मोनसे गेम-चेन्जिं बोसोरमोन, जाय गोमोथावना दिन्थिनाय आरो ओरैबायदि सल'फोरखौ दिन्थिनानै जौखौ मिनिहोदों, सोगाबदों आरो सान्को गोनां खालामदों। बड' आरो सादरि रावफोरजो रिलिज खालामनायजो लोगोसे मोन 29 सावथुनफोरनि स्क्रिनआव नुजाहोदों। लोगोसे इन्डास्ट्रिआ रोखा खालामोदि, बिथांआ सिमाफोरखौ बारनो आरो मख'जाथाव जाथाइफोरजो मोगा-मोगि जानो गिया। हमफबिया आरो लेंगिक



असमानतानि मोगथां महरखौ सोरांआव लाबोनायनिफ्राय लानानै एक्सनजो बुंफननाय थ्रिलर लाबोनाय आरो मिनि

होनायसिम गोखौ कमेडिआव बे बोसोरव गासैबो दंजोबोमोन, जाय राष्ट्रपति भवनआव दिन्थिफु'जानायनि उनाव

हादतयारि अन्साइनाय मोनो हादों, बिथांआ साहा बागाननि लेबाफोरनि खस्ट'नि सायाव नोजोर होदों, अदेबानि 'लकेल



आसाम सरकार

स्वागत सतिर्थ

जों

थाखो III आरो थाखो IV
मावफारियाफोरनि मिउचुवेल ट्रेन्सफारआ
दानिया गोलें आरो जेंना गैयै



गाहाइ आलासि

ड॰ हिमन्त बिश्व शमा

गिबि मन्थि, आसाम



मिउचुवेल ट्रेन्सफार हांखायनायखौ सुबिदा गोनां
खालामनायनि मोनसे पर्टेल



1 जानुवारी 2025 आव
पर्टेल बेखेवनाय



आर'ज खालामनायनि समफारिया

1 जानुवारी-28 फेब्रुवारी 2025

सानजौफुनि 12 रिंगा

राइज्यो आलासि जिरायसालि
कइनाधरा, गुवाहाटी

मिउचुवेल ट्रेन्सफार नागिरग्राफोरनि
हारेंथायनि थाखो



समान ग्रेड पेनि मावफारिया



समान सारबिस रुलनि मावफारिया



रोखोमथाय आखुथाइ आरो पस्टनि रोंग'थि गोनां मावफारिया

आर'ज खालामनायनि आदब



1

स्वागत सतिर्त
पर्टेलआव लग इन
खालाम



2

पान कार्ड फोरमान
खालामना



3

गावआरि आरो साखिनि
फोरमायथिखौ सुफुं



4

डकुमेन्टफोरखौ
आपल'ड खालाम



5

भेरिफिकेसननि उनाव, मिउचुवेल
ट्रेन्सफार खालामनो हाथावना आर'ज
खालामगिरिखौ नायनो हागोन



6

गुबुन आर'ज खालामगिरिनो
मिउचुवेल ट्रेन्सफारनि
थाखाय खावलायहर



7

गुबुन आर'ज खालामगिरिया
खावलायहरनायखौ गनायोब्ला,
अब्ला जथाय मिउचुवेल
ट्रेन्सफार आर'जखौ बिफान
गाहाइनो दैथायहरगोन



8

बिफान
गाहाइनिफ्राय
गथायथिनाय



9

मिउचुवेल ट्रेन्सफार
बिथोनमा ऑखारनाय



मिउसुएल ट्रेन्सफार खावलायनायनि मुलाफाया सासे मावगिरिनि गासै सिबिथाय समखोन्दोआव मोननै
फालिथायसिमल' सिमा गोनां

